

摘藻堂四庫全書薈要

史部

欽定四庫全書薈要卷七千二百十九

史部

資治通鑑卷二百三十三 宋 司馬光 撰

胡三省 音註

唐紀四十九

起彊圉單閼八月盡重光協洽凡四年有奇

德宗神武聖文皇帝八

貞元三年八月辛巳朔日有食之

吐蕃尚結贊遣五

騎送崔漢衡歸

吐從暇入聲漢衡為吐蕃所擒見上卷是年五月騎奇寄翻

且上表

求和至潘原李觀語之以有詔不納吐蕃使者

上時掌翻觀古

玩翻語牛倨
翻使疏吏翻

受其表而却其人

初兵部侍郎同平章

事柳渾與張延賞俱為相渾議事數異同

相息亮翻
數所角翻

延

賞使所親謂曰相公舊德但節言于廟堂則重位可久

渾曰為吾謝張公

偽為于
翻

柳渾頭可斷

斷音
短

古不可禁

禁
居

吟翻由是交惡上好文雅醞藉

好呼到翻醞紆運翻藉慈
夜翻史炤曰醞藉有雅度

之稱余謂炤說非也記禮器云禮有擯詔樂有相步溫

之至也鄭氏注云皆為溫藉重禮也皇氏云溫謂承藉

兄玉以物緼裹承藉君子亦以

威儀損相以自承藉溫與醞同而渾質直輕佻無威儀

佻它
活翻

于上前時發俚語上不悅欲黜為王府長史李泌

言渾褊直無它

褊音里長知吏翻褊補典翻

故事罷相無為長史者

又欲以為王傳泌請以為常侍上曰苟得罷之無不可

者

於此可以見帝之親任泌泌薄必翻

已丑渾罷為左散騎常侍

散悉亶翻

初部國大長公主適駙馬都尉蕭升升復之從兄弟也

部音告長知兩翻從才用翻

公主不謹詹事李昇蜀州別駕蕭鼎

武后

垂拱二年分益

州置蜀州漢州彭州司馬李萬豐陽令韋恪

豐陽縣屬商州漢商

縣地晉分商縣置豐陽縣以川為名舊治吉川城麟德元年移治豐陽川

皆出入主第主女

為太子妃始者上恩禮甚厚主常乘肩輿直抵東宮宗

戚皆疾之或告主淫亂且為厭禱

厭於琰翻
又一叶翻

上大怒幽

主于禁中切責太子太子不知所對請與蕭妃離昏上

召李泌告之且曰舒王近已長立

長知兩翻

孝友溫仁泌曰

何至於是陛下惟有一子

考異曰按德宗十一子諠
諠其所生外猶有九子而泌

云惟有一子者蓋當是時小王或
未生諠諠之外尚有昭靖子也

奈何一旦疑之欲廢

之而立姪得無失計乎上勃然怒曰卿何得間人父子

間古
寬翻

誰語卿舒王為姪者對曰陛下自言之大歷初陸

下語臣

語牛
倨翻

今日得數子臣請其故陛下言昭靖諸子

主上令吾子之

昭靖太子
上弟遜也

今陛下所生之子猶疑之何

有於姪

當此之時微李泌
孰能言及此者

舒王雖孝自今陛下宜努力

勿復望其孝矣

因父子天性推而言及人情利
害極處以感動之復扶又翻

上曰卿

不愛家族乎對曰臣惟愛家族故不敢不盡言若畏陛

下盛怒而為曲從陛下明日悔之必尤臣云吾獨任汝

為相不力諫使至此必復殺而子

而汝也

臣老矣餘年不

足惜若冤殺臣子使臣以姪為嗣臣未知得歆其祀乎

因嗚咽流涕

又以自家真
情感動之

上亦泣曰事已如此使朕如

何而可對曰此大事願陛下審圖之臣始謂陛下聖德
當使海外蠻夷皆戴之如父母豈謂自有子而疑之至
此乎臣今盡言不敢避忌諱自古父子相疑未有不亡
國覆家者陛下記昔在彭原建寧何故而誅上曰建寧
叔實寃肅宗性急譖之者深耳

建寧王倓德宗之叔也
倓寃死事見二百一十

九卷肅宗
至德元載

泌曰臣昔以建寧之故固辭官爵誓不近天

子左右

近其
新翻

不幸今日復為陛下相又覩茲事

復扶又
翻相息

亮臣在彭原承恩無比竟不敢言建寧之寃及臨辭乃

言之肅宗亦悔而泣

事見二百二十卷至德二載

先帝自建寧之死

常懷危懼臣亦為先帝誦黃臺瓜辭以防讒構之端

事見

同上為于偽翻

上曰朕固知之意色稍解乃曰貞觀開元皆易

太子何故不亡對曰臣方欲言之昔承乾屢嘗監國

監古

銜翻託附者眾東宮甲士甚多與宰相戾君集謀反事覺

太宗使其舅長孫無忌與朝臣數十人鞠之事狀顯白

然後集百官而議之當時言者猶云願陛下不失為慈

父使太子得終天年太宗從之并廢魏王泰

事見一百九十七卷

貞觀十
七年
陛下既知肅宗性急以建寧為寬臣不勝慶幸

勝音
斗

願陛下戒覆車之失從容三日

從十
容翻

究其端緒而

思之陛下必釋然知太子之無它矣若果有其迹當召
大臣知理義者二十人與臣鞠其左右必有實狀願陛
下如貞觀之法行之并廢舒王而立皇孫則百代之後
有天下者猶陛下子孫也至於開元之末武惠妃譖太
子瑛兄弟殺之海內冤憤
事見二百一十四卷
玄宗開元二十五年此乃百
代所當戒又可法乎且陛下昔嘗令太子見臣於蓬萊

池

大明宮中蓬萊殿北有太液池池中有蓬萊山所謂蓬萊池蓋即此也

觀其容表非有

蠹目豺聲商臣之相也

左傳楚成王將立太子商臣令尹子上曰不可是人也蠹目而

豺聲忍人也不聽卒立之商臣後果以宮甲圍成王而殺之

正恐失於柔仁耳又太

子自貞元以來常居少陽院

大明宮中有少陽院在浴堂殿之東溫室殿西南少

詩照

在寢殿之側

德宗常居浴堂殿

未嘗接外人預外事安有

異謀乎彼譖人者巧詐百端雖有手書如晉愍懷

事見八十

三卷西晉惠帝元康九年

衷甲如太子瑛

開元二十五年楊洄復構太子瑛鄂王瑤光王琚與

妃兄薛鏞有異謀武惠妃使人詭召太子二王曰宮中有賊請甲以入太子從之妃白帝曰太子二王謀反甲

而來帝使中人視之
如言遂並廢為庶人

猶未可信況但以妻母有罪為累

乎

累良瑞翻
下累汝同

幸陛下語臣

語牛
倨翻

臣敢以家族保太子必

不知謀鄉使楊素許敬宗李林甫之徒承此旨已就舒

王圖定策之功矣上曰此朕家事何豫於卿而力爭如

此對曰天子以四海為家臣今獨任宰相之重四海之

內一物失所責歸于臣况坐視太子冤橫而不言

橫戶
孟翻

臣罪大矣上曰為卿遷延至明日思之

為于
偽翻

泌抽笏叩

頭而泣曰如此臣知陛下父子慈孝如初矣然陛下還

宮當自審思勿露此意於左右露之則彼皆欲樹功於

舒王太子危矣上曰具曉卿意泌歸謂子弟曰吾本不

樂富貴而命與願違今累汝曹矣

洛音洛累力瑞翻

太子遣人

謝泌曰若必不可救欲先自仰藥何如

言欲飲藥而死也

泌曰

必無此慮願太子起敬起孝

起敬起孝禮記之言

苟泌身不存則

事不可知耳間一日

按經典釋文間音間廁之間

上開延英殿獨召

泌

宋白曰唐制內中有公事商量即降宣頭付閣門開延英殿閣門翻宣申中書并榜正衙門如中書有公

事數奏即宰臣入榜子奏請開延英只是宰臣赴對

流涕闌干

泣涕縱橫為闌干一日闌干淚不斷

貌撫其背曰非卿切言朕今日悔無及矣皆如卿言太

子仁孝實無它也自今軍國及朕家事皆當謀于卿矣

泌拜賀因曰陛下聖明察太子無罪臣報國畢矣臣前

日驚悸亡魂

悸其季翻
心動也

不可復用

復扶
又翻

願乞骸骨上曰

朕父子賴卿得全方屬子孫

屬之
欲翻

使卿代代富貴以報

德何為出此言乎甲午詔李萬不知避宗宜杖死

左傳
齊盧

蒲癸臣於慶舍有寵妻之以女慶舍之士謂盧蒲癸曰
男女辨姓子不避宗何也癸曰宗不余避余獨安避之

李昇等及公主五子皆流嶺南及遠州 戊申吐蕃帥

羌渾之衆寇隴州連營數十里京城震恐

帥讀日率

九月丁

卯遣神策將石季章戍武功決勝軍使唐良臣戍百里

城丁巳吐蕃大掠汧陽吳山華亭

吳山縣屬隴州隋之長蛇縣地唐貞觀元

年更名以縣有吳山也史炤曰華亭本屬安定郡後屬隴州垂拱二年更名曰亭川元和三年省入汧源汧口

堅翻老弱者殺之或斷手鑿目棄之而去

斷音短

驅丁壯萬

餘悉送安化陝西

安化峽當在秦州清水縣界九域志平涼西南七十里

汧陽縣有安化鎮

將分隸羌渾乃告之曰聽爾東向哭辭鄉國

衆大哭赴崖谷死傷者千餘人未幾

幾居

吐蕃之衆復

至圍隴州

復扶又翻

刺史韓清沔與神策副將蘇太平夜出

兵擊却之

沔彌完翻

上謂李泌曰每歲諸道貢獻共直錢

五十萬緡今歲僅得三十萬緡

泌薄必翻緡眉巾翻

言此誠知失

體然宮中用度殊不足泌曰古者天子不私求財

春秋左傳

言之今請歲供宮中錢百萬緡願陛下不受諸道貢獻及

罷宣索

遣中使以聖旨就有司宣取財物謂之宣索山客翻

必有所須請降敕

折稅

折之古翻

不使姦吏因緣誅剝上從之

回紇合骨咄

祿可汗屢求和親且請昏上未之許會邊將告之馬無

以給之

紇下沒翻吐當沒翻可從刊入聲汗河干翻將即亮翻

李泌言于上曰陸

下誠用臣策數年之後馬賤于今十倍矣上曰何故對

曰願陛下推至公之心屈己徇人為社稷大計臣乃敢

言上曰卿何自疑若是對曰臣願陛下北和回紇南通

雲南西結大食天竺如此則吐蕃自困馬亦易致矣

吐從

瞰入聲易

上曰三國當如卿言至于回紇則不可

以陝州之

弋鼓翻

辱恨回

泌曰臣固知陛下如此所以不敢早言

見上卷是年七

紇也

月為今之計當以回紇為先三國差緩耳

三國謂雲南大食天竺

上曰唯回紇卿勿言泌曰臣備位宰相事有可否在陛

下何至不許臣言

相息亮翻

上曰朕于卿言皆聽之矣至于

回紇宜待子孫于朕之時則固不可泌曰豈非以陝州

之恥邪上曰然韋少華等以朕之故受辱而死

事見二百二十

二卷寶應元年陝失丹
翻邪音耶少始照翻

朕豈能忘之屬國家多難

屬之欲翻

難乃旦翻

未暇報之和則決不可卿勿更言泌曰害少華者

乃牟羽可汗陛下即位舉兵入寇未出其境今合骨咄

祿可汗殺之然則今可汗乃有功于陛下宜受封賞又

何怨邪其後張光晟殺突董九百餘人

殺年羽殺突董事並見二百二

十六卷建中元年

合骨咄祿竟不敢殺朝廷使者

見二百二十七卷建中三

年然則合骨咄祿固無罪矣上曰卿以和回紇為是則

朕固非邪對曰臣為社稷而言

偽為于翻

若苟合取容何以

見肅宗代宗于天上

凡人言死則曰見某人于地下人主之前尊君之祖父則曰見于天

上言其神靈在天死則將得見之

上曰容朕徐思之自是泌凡十五餘

對未嘗不論回紇事上終不許泌曰陛下既不許回紇

和親願賜臣骸骨上曰朕非拒諫但欲與卿較理耳何

至遽欲去朕邪對曰陛下許臣言理此固天下之福也
上曰朕不惜屈己與之和但不能負少華輩對曰以臣
觀之少華輩負陛下非陛下負之也上曰何故對曰昔
回紇葉護將兵助討安慶緒肅宗但令臣宴勞之于元
帥府先帝未嘗見也

勞力判翻討安慶緒之時
代宗以廣平王為元帥

葉護固

邀臣至其營肅宗猶不許及大軍將發先帝始與相見
所以然者彼異心難測也舉兵入中國之腹不得不過
為之防也陛下在陝富於春秋少華輩不能深慮以萬

乘元子徑造其營

造七到翻

又不先與之議相見之儀使彼

得肆其桀驁

驁五告翻

豈非少華輩負陛下邪死不足償責

矣且香積之捷葉護欲引兵入長安先帝親拜之于馬

前以止之葉護遂不敢入城

事見二百二十卷肅宗至德二載

當時觀

者十萬餘人皆歎息曰廣平真華夷主也然則先帝所

屈者少所伸者多矣葉護乃牟羽之叔父也牟羽身為

可汗舉全國之兵赴中原之難

難乃旦翻

故其志氣驕矜敢

責禮於陛下陛下天資神武不為之屈當是之時臣不

敢言其它若可汗留陛下於營中歡飲十日天下豈得

不寒心哉

不敢察察言故云爾

而天威所臨豺狼馴擾

馴從也善也擾者順

也可汗母捧陛下於貂裘叱退左右親送陛下乘馬而

歸陛下以香積之事觀之則屈已為是乎不屈為是乎

陛下屈于年羽乎年羽屈于陛下乎上謂李晟馬燧曰

故舊不宜相逢朕素怨回紇今聞泌言香積之事朕自

覺少理

此多少之少音詩紹翻

卿二人以為何如對曰果如泌所

言則回紇似可恕上曰卿二人復不與朕

復扶又翻

朕當奈

何泌曰臣以為回紇不足怨邠來宰相乃可怨耳今回

紇可汗殺牟羽其國人有再復京城之勲

回紇至德二載與代宗復

兩京寶應元年又與帝復東京是有再復京城之勲

夫何罪乎吐蕃幸國之災陷

河隴數千里之地又引兵入京城使先帝蒙塵于陝

見二

百二十三卷代

此乃必報之讐況其贊普尚存

言牟羽已死則

宗廣德元年

回紇為可怨贊普尚存則國讐當必復

宰相不為陛下別白言此

為于偽翻別彼

列乃欲和吐蕃以攻回紇此為可怨耳上曰朕與之為

翻怨已久又聞吐蕃劫盟今往與之和得無復拒我為夷

狄之笑乎

又復扶

對曰不然臣曩在彭原今可汗為胡祿

都督與今國相白婆帝皆從葉護而來臣待之頗親厚

故聞臣為相而求和安有復相拒乎臣今請以書與之

約稱臣為陛下子每使來不過二百人印馬不過千匹

唐六典有諸監馬印凡諸監馬駒以小官字印印左膊以年辰印印右髀以監名依左右廂印印尾側若形容端正擬送尚乘者則不須印監名至二歲起脊量強弱漸以飛字印印右膊細馬次馬俱以龍形印印項左送尚乘者于尾側依左右閑印印以三花其餘雜馬送尚乘者以風字印印左膊以飛字印印右髀經印之後簡入別所者各以新入處監名印印左頰官馬賜人者則以賜字印配諸軍及充傳送驛者以出字印並印右頰諸蕃

馬印隨部落各為印識回紇馬印車帑以南此所謂印馬者回紇以馬來與中國為互市中國以印印之也

無得携中國人及商胡出塞五者皆能如約則主上必許

和親如此威加北荒旁訖吐蕃

訖言之涉翻

足以快陛下平昔

之心矣上曰自至德以來與為兄弟之國今一旦欲臣

之彼安肯和乎對曰彼思與中國和親久矣其可汗國

相素信臣言若其未諧但應再發一書耳上從之既而

回紇可汗遣使上表稱兄及臣凡泌所與約五事一皆

聽命上大喜謂泌曰回紇何畏服卿如此對曰此乃陛

下威靈臣何力焉上曰回紇則既和矣所以招雲南大
食天竺奈何對曰回紇和則吐蕃已不敢輕犯塞矣次
招雲南則是斷吐蕃之右臂也

斷音短

雲南自漢以來臣

屬中國

雲南本漢之哀牢夷後漢永平之間
始臣屬中國其地在漢永昌郡界

楊國忠無

故擾之使叛臣于吐蕃

事見二百一十六
卷玄宗天寶九載

苦于吐蕃賦

役重未嘗一日不思復為唐臣也大食在西域為最彊

自葱嶺盡西海地幾半天下

大食既并波斯突騎施又
亡其地東盡葱嶺西南際

海方萬餘里
幾居衣翻

與天竺皆慕中國代與吐蕃為仇臣故知

其可招也癸亥遣回紇使者合闕將軍歸許以咸安公

主妻可汗

達州咸安郡公主上女也妻七細翻

考異

日鄴侯家傳九月泌請與回紇和親十月與回紇書十二月回紇遣聿支達干上表謝恩皆請如宰相約和親按實錄八月丁酉回紇遣默啜達干來貢方物且請和親九月癸亥遣回紇使合闕將軍歸其國初合闕將其君命請昏上許以咸安公主嫁之命見于麟德殿且令齋公主畫圖就示可汗以馬價絹五萬還之許互市而去十二月無聿支入聘之事回紇自大歷十一年以來未嘗入寇信使往來亦無不和及求和之迹蓋德宗心恨回紇而外迹猶羈縻不絕令回紇請昏則拒絕不許而李泌勸與為昏耳其月數之差則恐李繁記之不詳或者聿支即默啜與合闕皆不可知也若以默啜即為請昏之使合闕即為謝恩之人又泌論回紇凡十五餘對須半月以上泌又云臣本史中與書令朝

臣遽云一月可到歲內報至自丁酉至癸纔二十
六日耳今依實錄月日因許嫁咸安本其事而言之歸

其馬價絹五萬疋 吐蕃寇華亭及連雲堡皆陷之

連雲

堡在涇州西界宗祁曰連雲堡涇要地也三垂峭絕北
據高所虜進退烽火易通 考異曰鄯侯家傳曰時京
西諸鎮報種麥已畢絕萬頃而皆丘野上大喜既而尚
結贊來入寇諸軍閉壁候夜斫營悉提結贊乃退歸上
以十餘年來邊軍嘗被戎挫皆入踐京畿此來始敗又
不能更深入且報種麥已畢而喜甚按實錄吐蕃陷華
亭及連雲堡驅掠邠涇緇戶牛畜萬計悉送至彈箏
峽是秋邠州人無種麥者與家傳相反今從實錄 甲

戌吐蕃驅二城之民數千人及邠涇人畜萬計而去寘
之彈箏峽西涇州恃連雲為斥侯連雲既陷西門不開

門外皆為虜境樵采路絕每收穫必陳兵以扞之多失

時得空穗而已

禾麥熟而不收穫其實墮落故得空穗

由是涇州常苦乏

食冬十月甲申吐蕃寇豐義城

武德二年分彭原置豐義縣屬寧州宋白

曰彭陽縣後魏于縣置雲州周武保定二年廢州為防

隋文帝廢防為豐義城唐武德初分彭原縣為豐義縣

屬彭州貞觀廢彭州以縣屬

寧州其城即後魏雲州城

前鋒至大回原邠寧節度

使韓遊瓌擊却之乙酉復寇長武城

復扶又翻

又城故原州

而屯之妖僧李軌奴自言本皇族見嶽瀆神

嶽謂五嶽瀆謂

四瀆妖于遙翻

命已為天子結殿前射生將韓欽緒等謀作亂

丙戌其黨告之上命捕送內侍省推之

推鞫也

李晟聞之

遽仆于地曰晟族滅矣李泌問其故晟曰晟新罹謗毀

事見上卷
本年三月

中外家人千餘若有一人在其黨中則兄亦

不能救矣泌乃密奏大獄一起所連引必多外間人情

恟懼請出付臺推

付御史臺
推鞫之也

上從之欽緒遊瓌之子也

亡抵邠州遊瓌出屯長武城留後械送京師壬辰腰斬

軟奴等八人北軍之士坐死者八百餘人而朝廷之臣

無連及者韓遊瓌委軍詣闕謝上遣使止之委任如初

遊瓌又械送欽緒二子上亦宥之吐蕃以苦寒不入

寇而糧運不繼十一月詔渾瑊歸河中

考異曰鄴侯家傳十一月以

張獻甫為邠寧等州節度使代韓遊瓌而以渾瑊侍中為朔方河中絳邠寧慶副元帥先公乃令獻甫修西界堡障濠塹南接涇州於是塞內始有藩籬之固尚結贊不能輕入窺邊矣按獻甫明年七月乃為邠寧節度家傳誤
李元諒歸華州劉昌分其衆歸汴州

劉昌本汴州將也貞元三年入

朝詔以汴兵八千戍涇原尋授涇原帥華戶化翻

自餘防秋兵退屯鳳翔京兆

諸縣以就食十二月韓遊瓌入朝自興元以來是

歲最為豐稔米斗直錢百五十粟八十詔所在和糶庾

辰上畋于新店入民趙光奇家問百姓樂乎對曰不樂

上曰今歲頗稔何為不樂

樂音洛

對曰詔令不信前云兩

稅之外悉無它徭今非稅而誅求者殆過於稅後又云

和糴而實強取之

強其良翻

曾不識一錢始云所糴粟麥納

于道次今則遣致京西行營動數百里車摧馬斃破產

不能支愁苦如此何樂之有每有詔書優卹徒空文耳

恐聖主深居九重皆未知之也上命復其家

復方目翻
復除也除

其家賦
役也

臣光曰甚矣唐德宗之難寤也自古所患者人君之

澤壅而不下達小民之情鬱而不上通故君勤恤于

上而民不懷

勤恤者切於憂民也

民愁怨於下而君不知以至

於離叛危亡凡以此也德宗幸以遊獵得至民家值

光奇敢言而知民疾苦此乃千載之遇也

載子亥翻

固當

按有司之廢格詔書

格音閣

殘虐下民橫增賦斂

橫戶孟翻

斂力賄翻

盜匿公財及左右諂諛日稱民間豐樂者而誅

之樂

音洛

然後洗心易慮一新其政屏浮飾

屏必郭翻又卑正翻

廢虛文謹號令敦誠信察真偽辨忠邪矜困窮伸冤
滯則太平之業可致矣釋此不為乃復光奇之家夫
以四海之廣兆民之衆又安得人人自言于天子而
戶戶復其徭賦乎

李泌以李軌奴之黨猶有在北軍未發者請大赦以安
之

恐其自疑
而動于惡

四年春正月庚戌朔赦天下詔兩稅等第自今三年一

定

考異曰實錄赦云天下兩稅更審定等第仍加三
年一定以為常式按陸贄論兩稅狀云兩稅之立惟

以資產為宗不以身丁為本資產少者則其稅少資產多者則其稅多然則當時賦稅但以貧富為等第若令時坊郭十等戶鄉村五等戶臨時科配也又云額內官勿更注擬見任者三考勒停此盖用李泌之策也按鄴侯家傳泌請罷天下額外官又云陛下許復所減官員臣因請停額外官許其得資後停額外官員當正官三分之一則今年計已停一半据此則似有額內官又有額外官皆在正官之外不則內皆應作外字之誤也

李泌奏京官俸太薄請自三師以下悉倍其俸

唐以太師

太傅太保為三師倍俸倍大歷十二年所增之數也泌薄必翻俸扶用翻考異曰實錄辛巳詔以中外給用除陌錢給文武官俸料自是京官並重頗優裕焉初除陌錢隸度支至是令戶部別庫貯之給俸之餘以備它用按興元元年正月赦其所加墊陌錢稅間架之類悉宜停罷今猶有除陌錢者蓋當時止罷所加之數或私

買賣者官不收墊陌錢官
給錢猶有除陌在故也

從之壬申以宣武行營節度

使劉昌為涇原節度使甲戌以鎮國節度使李元諒為

隴右節度使

涇原節度使治涇州隴右節度使治秦州
劉昌以汴兵防秋為行營節度使李元諒

本鎮華州領鎮
軍國節度使

昌元諒皆帥卒力田

帥讀曰
率下同

數年軍食

充羨

羨弋
線翻

涇隴稍安

韓遊瓌之入朝也軍中以為必

不返

以其子欽緒黨逆謂當連坐也
翻朝直遙翻去年十二月遊瓌入朝

餞送甚薄

遊瓌見上盛陳築豐義城可以制吐蕃上悅遣還鎮

見賢

遍翻吐從瞰入聲還
從宣翻又音如字

軍中憂懼者眾遊瓌忌都虞候虞

鄉范希朝有功名得衆心

虞鄉縣屬河中府

求其罪將殺之希

朝奔鳳翔上召之寘于左神策軍遊瓌帥衆築豐義城

二版而潰

城二尺為一版上下相疑故潰

二月元友直運淮南錢帛

二十萬至長安

元友直句勘東南兩稅錢帛見上卷去年七月

李泌悉輸之大

盈庫然上猶數有宣索

泌薄必翻數所角翻索山客翻

仍敕諸道勿令

宰相知泌聞之惆悵而不敢言

相息亮翻惆丑鳩翻

臣光曰王者以天下為家天下之財皆其有也阜天下之財以養天下之民已必豫焉或乃更為私藏此

匹夫之鄙志也古人有言貧不學儉夫多財者奢欲

之所自來也

扶夫音

李泌欲弭德宗之欲而豐其私財

財豐則欲滋矣財不稱欲能無求乎

弭眉比翻
稱尺證翻

是猶

啓其門而禁其出也雖德宗之多僻亦泌所以相之

者非其道故也

咸陽人或上言臣見白起令臣奏云請為國家扞禦西

陞正月吐蕃必大下當為朝廷破之以取信

上時掌翻
為于偽翻

既而吐蕃入寇邊將敗之

敗補
邁翻

不能深入上以為信然

欲于京城立廟贈司徒李泌曰臣聞國將興聽於人

左傳

號史鑑之言

令將帥立功而陛下褒賞白起臣恐邊臣解體

矣若立廟京城盛為祈禱流聞四方將長巫風

長知兩翻言巫

祝之風將由此盛

今杜郵有舊祠

白起死于杜郵故有舊祠在焉

請敕府縣葺

之則不至驚人耳目矣且白起列國之將贈三公太重

唐以太尉司徒司空為三公

請贈兵部尚書可矣上笑曰卿于白起

亦惜官乎對曰人神一也陛下儻不之惜則神亦不以

為榮矣上從之泌自陳衰老獨任宰相精力耗竭既未

聽其去乞更除一相上曰朕深知卿勞苦但未得其人

耳上從容與泌論即位以來宰相

從千容翻

曰盧杞忠清彊

介人言杞姦邪朕殊不覺其然泌曰人言杞姦邪而陛

下獨不覺其姦邪此乃杞之所以為姦邪也

考異曰舊李勉傳

勉對德宗已有此語與鄭茂家傳述泌語略同未知孰是今兩存之一本泌語之下有與勉

儻陛下

覺之豈有建中之亂乎杞以私隙殺楊炎

殺楊炎事見二百二十七

卷建中二年

擠顏真卿于死地

事見二百二十八卷建中二年擠七細翻又賤西翻

激

李懷光使叛

事見二百二十九卷建中四年

賴陛下聖明竄逐之人心

頓喜天亦悔禍不然亂何由弭上曰楊炎以童子視朕

每論事朕可其奏則悅與之往復論難

難乃旦翻下難之間難同

即

怒而辭位觀其意以朕為不足與言故也以是交不可

忍

交不可忍者言炎既形之辭而帝亦心懷不平

非由杞也建中之亂術士豫

請城奉天

事見二百二十六卷建中元年

此蓋天命非杞所能致也泌

曰天命他人皆可以言之惟君相不可言蓋君相所以

造命也若言命則禮樂刑政皆無所用矣紂曰我生不

有命在天

見書西伯勤黎篇

此商之所以亡也上曰朕好與人

較量理體

好呼到翻量音良理體猶言治體也

崔祐甫性褊躁

躁則到翻

朕難

之則應對失次朕常知其短而護之楊炎論事亦有可

采而氣色粗傲難之輒勃然怒無復君臣之禮所以每

見令人忿發餘人則不敢復言

難乃旦翻下同復扶又翻

盧杞小心

朕所言無不從又無學不能與朕往復故朕所懷常不

盡也對曰杞言無不從豈忠臣乎夫言而莫予違此孔

子所謂一言喪邦者也

見論語喪息浪翻

上曰惟卿則異彼三

人者朕言當卿有喜色不當常有憂色

當丁浪翻

雖時有逆

耳之言如鼎來紂及喪邦之類朕細思之皆卿先事而

言

先悉
薦翻

如此則理安

理安猶言
治安也

如彼則危亂言雖深切

而氣色和順無楊炎之陵傲朕問難往復卿辭理不屈
又無好勝之志直使朕中懷已盡屈服而不能不從此
朕所以私喜于得卿也泌曰陛下所用相尚多今皆不
論何也上曰彼皆非所謂相也凡相者必委以政事如
玄宗時牛仙客陳希烈可以謂之相乎如肅宗代宗之
任卿雖不受其名乃真相耳必以官至平章事為相則

王武俊之徒皆相也

唐之使相時主未嘗不知名器之濫也

劉昌復築

連雲堡

去年九月吐蕃陷連雲堡復扶又翻

夏四月乙未更命殿前左右

射生曰神威軍

更工衡翻錄作神武軍今從新志

與左右羽林龍

武神武神策號曰十軍神策尤盛多戍京西散屯畿甸

福建觀察使吳誥

武德四年分泉州之建安縣置建州

輕其軍士脆弱

苦役之軍士作亂殺誥腹心十餘人逼誥牒大將郝誠

溫常留務誠溫上表請罪上遣中使就赦以安之 乙

未隴右節度使李元諒築良原故城而鎮之

良原縣隋大業初置

唐屬涇州貞元二年為吐蕃所破今乃修復九域志良
原在涇州西南六十里宋白曰隋分安定鶻觚置良原
縣西南三十里
有良原因名
雲南王異牟尋欲內附未敢自遣使

先遣其東蠻鬼主驃旁苴夢衝苴烏星入見

苴子魚翻
見賢通翻

五月乙卯宴之于麟德殿賜賚甚厚封王給印而遣之

封驃旁為和義王苴夢衝為
懷化王苴烏星為順政王

辛未以太子賓客吳湊

為福建觀察使貶吳詵為涪州刺史

涪音
浮

吐蕃三萬餘

騎寇涇邠寧慶廊等州先是吐蕃常以秋冬入寇及春

多病疫而退至是得唐人質其妻子

先悉薦翻
質音致

遣其將

將之盛夏入寇諸州皆城守無敢與戰者吐蕃俘掠人

畜萬計而去 夏縣人陽城以學行著聞隱居柳谷之

北

夏戶雅翻柳谷在安邑縣中條山行下孟翻

李泌薦之六月徵拜諫議大

夫 韓遊瓌以吐蕃犯塞自戍寧州病求代歸秋七月

庚戌加渾瑊邠寧副元帥以左金吾將軍張獻甫為邠

寧節度使陳許兵馬使韓全義為長武城行營節度使

獻甫未至壬子夜遊瓌不告于衆輕騎歸朝戌卒裴滿

等憚獻甫之嚴乘無帥之際癸丑帥其徒作亂

騎寄寄翻朝直

遙翻無帥所類
翻帥其讀曰率

曰張公不出本軍我必拒之

謂張獻甫本不出於

朔方軍也

因剽掠城市

剽匹妙翻

圍監軍楊明義所居使奏請范

希朝為節度使都虞候楊朝晟避亂出城聞之復入曰

所請甚契我心我來賀也亂卒稍安朝晟潛與諸將謀

晨勒兵召亂卒謂曰所請不行張公已至邠州汝輩作

亂當死不可盡殺宜自推列唱帥者遂斬二百餘人帥

眾迎獻甫

帥讀曰率

上聞軍眾欲得范希朝將授之希朝辭

曰臣畏遊瓌之禍而來今往代之非所以防窺覷安反

仄也上嘉之擢為寧州刺史以副獻甫遊瓌至京師除

右龍武統軍振武節度使唐朝臣不嚴序侯己未奚

室韋寇振武

李延壽曰室韋蓋契丹之在南者為契丹在北者為室韋宋祁曰室韋契丹別種東

胡北邊蓋丁零苗裔也地據黃龍北傍獨越河直長安東北七千里東黑水靺鞨西突厥南契丹北瀕海執

宣慰中使二人大掠人畜而去時回紇之衆逆公主者

在振武朝臣遣七百騎與回紇數百騎追之回紇使者

為奚室韋所殺九月庚申吐蕃尚志董星寇寧州張

獻甫擊却之吐蕃轉掠廊坊而去元友直句檢諸道

稅外物

事始見上卷上年句古侯翻

悉輸戶部遂為定制歲于稅外

輸百餘萬緡斛民不堪命諸道多自訴于上上意寤詔

今年已入在官者輸京師未入者悉以與民明年以後

悉免之于是東南之民復安其業 回紇合骨咄祿可

汗得唐許昏甚喜遣其妹骨咄祿毗伽公主及大臣妻

并國相跌跌都督

跌奚結翻跌徒結翻跌跌與回紇同出鐵勒而異種

以下千餘

人來迎可敦辭禮甚恭曰昔為兄弟今為子婿半子也

若吐蕃為患子當為父除之

當為于偽翻

因詈辱吐蕃使者

以絕之冬十月戊子回紇至長安可汗仍表請改回紇

為回鶻許之

考異曰舊回紇傳元和四年里迎可汗遣使請改為回鶻義取回旋輕捷如鶻雀

鉉續會要貞元五年七月公主至衙帳回紇使李義進請改紇字為鶻與統紀同鄴侯家傳四年七月可汗上表請改紇字為鶻與李繁北荒君長錄及新回鶻傳同按李泌明年春薨若明年七月方改家傳不應言之今從家傳君長錄新書

吐蕃發兵十萬將寇西川亦發雲南兵雲

南內雖附唐外未敢叛吐蕃亦發兵數萬屯于瀘北

瀘北

瀘水之北瀘水即諸

葛亮五月所度者

韋皋知雲南計方猶豫乃為書遺

雲南王叙其叛吐蕃歸化之誠貯以銀函

遺唯季翻貯丁呂翻使

東蠻轉致吐蕃吐蕃始疑雲南遣兵二萬屯會川

會川本印

都縣高宗上元二年徙縣于會川因更名新志會川縣屬舊州有瀘津關在會川東南三十里

以塞雲

南趣蜀之路

塞悉則翻趣遂論翻又遂須翻

雲南怒引兵歸國由是雲

南與吐蕃大相猜阻歸唐之志益堅吐蕃失雲南之助

兵勢始弱矣然吐蕃業已入寇遂分兵四萬攻兩林驃

旁三萬攻東蠻七千寇清溪關

清溪關在舊州界自關而南七百二十里至舊

州洪源志清溪關在黎州西南界

五千寇銅山

新志黎州有銅山要衝十一城

臯遣黎

州刺史韋晉等與東蠻連兵禦之破吐蕃于清溪關外

庚子冊命咸安公主加回鶻可汗長壽天親可汗十

一月以刑部尚書關播為送咸安公主兼冊回鶻可汗

使自此以後通鑑皆依前史書回鶻吐蕃耻前日之敗謂上清溪關外之敗也

復以衆二萬寇清溪關一萬攻東蠻復拔又翻韋臯命韋晉

鎮要衝城督諸軍以禦之雋州經畧使劉朝彩出關連

戰自乙卯至癸亥大破之李泌言於上曰江淮漕運

以甬橋為咽喉烟音地屬徐州鄰于李納徐州與李納巡屬鄰境

刺史高明應年少不習事高明應嗣鎮徐州始二百三十一卷興元元年少詩照翻

若李納一旦復有異圖

復扶又翻下同

竊據徐州是失江淮也

國用何從而致請徙壽廬濠都團練使張建封鎮徐州

割濠泗以隸之復以廬壽歸淮南則淄青惕息而運路

常通江淮安矣及今明應幼駮可代

駮五駮翻

宜徵為金吾

將軍萬一使他人得之則不可復割矣上從之以建封

為徐泗濠節度使建封為政寬厚而有綱紀不貸人以

法

犯法者有誅無貸

故其下無不畏而悅之

橫海節度使程

日華薨子懷直自知留後

吐蕃屢遣人誘脅雲南

誘音

酉

五年春二月丁亥韋臯遺異年尋書稱回鶻屢請佐天

子共滅吐蕃王不早定計一旦為回鶻所先

遺唯季翻
先悉薦翻

則王累代功名虛棄矣且雲南又為吐蕃屈辱今不乘

此時依大國之勢以復怨雪恥後悔無及矣 戊戌以

橫海留後程懷直為滄州觀察使懷直請分弓高景城

為景州

景城縣本屬滄州武德四年屬瀛州貞觀元年屬滄州大歷七年屬瀛州橫海蓋因朱滔之敗

復得而有之後尋屬瀛州弓高漢古縣魏晉廢省隋置弓高縣于漢高縣地唐屬滄州

仍請朝廷

除刺史上喜曰三十年無此事矣乃以員外郎徐仲為

景州刺史中書侍郎同平章事李泌屢乞更命相上

欲用戶部侍郎班宏泌言宏雖清彊而性多凝滯乃薦

竇參通敏可兼度支鹽鐵董晉方正可處門下

處呂
呂翻

上

皆以為不可參誕之玄孫也

竇誕武德中勸齊王
元吉奔并州者也

時為

御史中丞兼戶部侍郎晉為太常卿至是泌疾甚復薦

二人

復扶
又翻

庾子以董晉為門下侍郎竇參為中書侍郎

兼度支轉運使並同平章事以班宏為尚書依前度支

轉運副使參為人剛果峭刻

尚辰羊翻度徒洛翻使疏吏翻峭七笑翻

無學

術多權數每奏事諸相出

相息亮翻

參獨居後以奏度支事

為辭實專大政多引親黨置要地使為耳目董晉充位

而已然晉為人重慎所言於上前者未嘗泄于人子弟

或問之晉曰欲知宰相能否視天下安危所謀議于上

前者不足道也

考異曰韓愈作晉行狀曰在宰相位凡五年所奏于上前者皆二帝三王之

道由秦漢以降未嘗言退歸未嘗言所言于上者于人子弟有私問者公曰宰相所職繫天下安危宰相之能與否可見欲知宰相之能與否如此視之其可凡所謀議于上前者不足道也故其事卒不聞愈作行狀必揚

美蓋惡叙其為相時事止於此則其循默充位可知然其重慎亦可稱也今略取行狀

三月甲辰

李泌薨泌有謀略而好談神仙詭誕

泌薄必翻薨呼肱翻好呼到翻

故

為世所輕

考異曰國史補曰李泌相以虛誕自任常對客教家人速灑掃今夜洪崖先生來宿有

人遺美酒一榼會有客至乃曰麻姑送酒與君同傾傾未畢門者曰某侍郎來取榼泌令倒還略無愧色舊泌傳曰德宗初即位尤惡巫祝怪譚之士及建中末寇戎內梗桑道茂有城奉天之說上稍以時日禁忌為意而雅聞泌長于鬼道故自外徵還以至大同時論不以為恆及在相位隨時俯仰無足可稱復引顧況輩輕薄之流動為朝士戲侮頗貽譏諷泌放曠敏辨好大言自出入中禁累為權倖忌嫉恒由智免終以言論縱橫上悟聖主以躋相位初泌流放江南與柳渾顧況為人外之交吟詠自適而渾先達故泌復得入官於朝況蘇州人

按泌雖詭誕好談神仙然其知略實有過人者至于佐肅代復兩京不受相位而去代宗順宗之在東宮皆賴泌得安此其大節可重者也舊傳毀之太過家傳出于其子雖難盡信亦豈得盡不信今擇其可信者存之

初上思李懷光之功欲宥其一子

事見二百三十卷貞元元年而

子孫皆已伏誅戊辰詔以懷光外孫燕八八為懷光後

燕於虔翻姓也

賜姓名李承緒除左衛率曹參軍賜錢千緡

使養懷光妻王氏

率所律翻養羊尚翻

及守其墓祀冬十月韋

臯遣其將曹有道將兵與東蠻兩林蠻及吐蕃青海臘

城二節度戰于鴛州臺登谷

臺登漢縣唐屬鴛州

大破之斬首二

千級投崖及溺死者不可勝數殺其大兵馬使乞藏遮
遮乞藏遮遮虜之驍將也既死臯所攻城柵無不下數
年盡復舊州之境 易定節度使張孝忠興兵襲蔚州

蔚紆
勿翻

驅掠人畜詔書責之踰旬還鎮 瓊州自乾封中

為山賊所陷

瓊州在海中大洲上中有黎毋山黎人居之不輸王賦所謂山賊蓋黎人也宋白曰

瓊州北十五里極大海泛大船便西南風航三日三夜到地名崖山門入江一日至新會縣或便風十日到廣

州至是嶺南節度使李復遣判官姜孟京與崖州刺史

張少遷攻拔之 十二月庚午聞回鶻天親可汗薨戊

寅遣鴻臚卿郭鋒冊命其子為登里羅沒密施俱錄忠

貞毗伽可汗先是安西北庭皆假道於回鶻以奏事

為吐

著隔河隴之路不可通也故假道於回鶻以入奏先志薦翻故與之連和北庭去回

鶻尤近誅求無厭

厭於鹽翻

又有沙陀六十餘帳與北庭相

依

沙陀西突厥別部處月種也居金娑山之陽蒲類海之東有大磧名沙陀故自號沙陀

及三葛

祿白服突厥皆附於回鶻

三葛祿葛邏祿三部也一日謀刺二曰婆訶三曰踏實力

在北庭西北金山之西白服突厥新唐書作白眼突厥回鶻數侵掠之

數所角翻

吐蕃

因葛祿白服之衆以攻北庭回鶻大相頡干迦斯將兵

救之 雲南雖貳於吐蕃亦未敢顯與之絕壬辰韋皋

復以書招諭之

復扶
又翻

六年春詔出岐山無憂王寺佛指骨迎置禁中又送諸

寺以示衆傾都瞻禮施財巨萬

施式
鼓翻

二月乙亥遣中使

復葬故處

初朱滔敗於貝州

見二百三十一
卷興元元年

其棣州

刺史趙鎬以州降於王武俊既而得罪於武俊召之不

至田緒殘忍其兄朝仕李納為齊州刺史或言納欲納

朝於魏緒懼判官孫光佐等為緒謀厚賂納且說納招

趙鎬取棣州以悅之

為于偽翻說式芮翻

因請送朝於京師納從

之丁酉鎬以棣州降於納三月武俊使其子士真擊之

不克回鶻忠貞可汗之弟弒忠貞而自立

考異曰新傳曰可

汗為少可敦葉公主所毒死可汗之弟乃自立今從實錄

其大相頡干迦斯西擊吐

蕃未還夏四月次相帥國人殺篡者而立忠貞之子阿

吸為可汗年十五

相息亮翻帥讀曰率下同

五月王武俊屯冀州

將擊趙鎬鎬帥其屬奔鄆州

鄆音運

李納分兵據之田緒

使孫光佐如鄆州矯詔以棣州隸納武俊怒遣其子士

清伐貝州取經城等四縣 回鶻頡干迦斯與吐蕃戰

不利吐蕃急攻北庭北庭人苦於回鶻誅求與沙陀酋

長朱邪盡忠皆降於吐蕃

為後沙陀
來降張本

節度使楊襲古帥

麾下二千人奔西州六月頡干迦斯引兵還國次相恐

其有廢立與可汗皆出郊迎俯伏自陳擅立之狀曰今

日惟大相死生之盛陳郭鋒所齎國信悉以遺之

去年
唐遣

郭鋒冊忠貞可
汗遺唯季翻

可汗拜且泣曰兒愚幼若幸而得立惟

仰食於阿爹國政不敢豫也虜謂父為阿爹

仰牛向翻
唐謂北人

呼父曰阿爹
爹徒可翻

頡干迦斯感其卑屈持之而哭遂執臣禮

悉以所遺頒從行者已無所受國中由是稍安秋頡干

迦斯悉舉國兵數萬將復北庭又為吐蕃所敗

敗補邁
翻史言

回鶻
哀亂

死者大半襲古收餘衆數百將還西州頡干迦斯

紿之曰且與我同至牙帳既而留不遣竟殺之安西由

是遂絕莫知存亡

北庭既陷于吐蕃安西路絕故莫知其音問

而西州猶為

唐固守

偽于
翻

葛祿乘勝取回鶻之浮圖川

浮圖川在烏
德隸山西北

回鶻震恐悉遷西北部落于牙帳之南以避之遣達北

特勒梅錄隨郭鋒偕來告忠貞可汗之喪且求冊命先

是回鶻使者入中國禮容驕慢

先悉薦翻

刺史皆與之鈞禮

梅錄至豐州刺史李景略欲以氣加之謂梅錄曰聞可

汗新沒欲申弔禮景略先據高壘而坐

壘即隴字

梅錄俯僂

前哭

俯低頭也僂曲背也僂力主翻

景略撫之曰可汗棄代助爾哀慕

梅錄驕容猛氣索然俱盡

索蘇各翻

自是回鶻使至皆拜景

略于庭威名聞塞外

聞音問

冬十月辛亥郭鋒始自回鶻

還十一月庚午上祀圓丘上屢詔李納以棣州歸

王武俊納百方遷延請以海州易之於朝廷上不許乃
請詔武俊先歸田緒四縣上從之十二月納始以棣州
歸武俊

七年春正月己巳襄王僭號

僭肅宗子音戶光翻

二月癸卯遣

鴻臚少卿庾鋌冊回鶻奉誠可汗

鋌音蟬錄作康鋌

考異曰實今從新舊

傳

戊戌詔涇原節度使劉昌築平涼故城

舊書曰城去原州一

百五十里以扼彈箏峽口決辰而畢

決與周禮挾日而斂之挾同鄭注云從甲至甲

謂之挾此言決辰從子至子也

史分兵戍之昌又築朝

炤曰自子至亥曰辰決辰十二日

谷堡

舊唐書作胡谷堡東距平涼三十五里

甲子詔名其堡曰彰信

舊書作彰

義

涇原稍安

初上還長安以神策等軍有衛從之勞

從才用翻下同

皆賜名興元元從奉天定難功臣

難乃旦翻宋白曰唐玄宗

平內難賜衛士葛福順等為唐元功臣不過十數人德宗駐蹕奉天及幸山南賜從駕立功將校為元從奉天定難功臣谷口以來元從將士賜名元從功臣及僖昭頻年播遷功臣差多至後梁後唐徧及戊卒非賞典也

以官領之撫恤優厚禁軍恃恩驕橫

橫戶孟翻

侵暴百姓陵

忽府縣至詬辱官吏

府謂京兆府縣謂赤畿縣詬呼漏翻詈也

毀裂案牘

府縣官有不勝忿而刑之者

勝音升

朝笞一人夕貶萬里

由是府縣雖有公嚴之官莫得舉其職市井富民往往行賂寄名軍籍則府縣不能制辛巳詔神威六軍吏士與百姓訟者委之府縣小事牒本軍大事奏聞若軍士

陵忍府縣禁身以聞

北軍十軍左右羽林龍武神武神威神策也神策尤盛建中之前未

分左右軍謂之神策六軍者指言神策軍與左右羽林龍武神武六軍也貞元二年以神策左右廂為左右神策軍又以殿前射生左右廂為左右射生軍四年以左右射生軍為左右神威軍北軍遂為十軍此時神策軍既居北軍之右史家書此事又專言神策恃恩陵暴而有是詔則所謂神威六軍者亦當為神策六軍威字誤也此神策六軍提起左右神策軍以及左右龍武神武神威六軍也不及左右羽林軍者羽林置于唐初龍武

等軍皆開元以來節次增置于禁衛
又親近于羽林也禁身者因禁其身
委御史臺推覆縣

吏輒敢笞辱必從貶謫
癸未易定節度使張孝忠薨

安南都護高正平重賦斂
安南都護府本交州調露二年置為安南都護府斂

力贍翻夏四月羣蠻酋長杜英翰等起兵圍都護府正平

以憂死羣蠻聞之皆降
史言蠻非好亂苦於貧帥而亂酋慈由翻長知兩翻五月

辛巳置柔遠軍於安南
端王遇薨
遇皇弟也韋臯比年

致書招雲南王異牟尋
比毗至翻韋臯書招雲南事始上卷三年終未獲報

然吐蕃每發雲南兵雲南與之益少
少詩紹翻臯知異牟尋

心附于唐討擊副使段忠義本閣羅鳳使者也

閣羅鳳者異年

尋之祖

六月丙申舉遣忠義還雲南并致書敦諭之

敦迫也厚

也

秋七月戊寅以定州刺史張昇雲為義武留後

庚辰以虔州刺史趙昌為安南都護羣蠻遂安 八月

丙午以翰林學士陸贄為兵部侍郎餘職皆解實參惡

之也

惡鳥路翻下同

吐蕃攻靈州為回鶻所敗夜遁

敗補邁翻

九

月回鶻遣使來獻俘冬十二月甲午又遣使獻所獲吐

蕃酋長尚結心

酋慈由翻長知兩翻

福建觀察使吳湊為治有

聲

福建皆古閩越地秦為閩中郡漢為治縣後漢為侯官縣吳置建安郡陳置閩州隋改泉州唐移泉州于

晉江縣而閩州治閩縣及侯官縣而于建安縣立建州建安吳孫策所置縣也以年號為名本亦東侯官之地開元十三年又改閩州為福州自此福建泉州始不相紊治直吏翻

竇參以私憾毀之

且言其病風上召至京師使之步以察之知參之誣由是

始惡參

為竇參貶逐張本

丁酉以湊為陝虢觀察使以代參黨

李翼

睦王述薨

述亦皇弟

吐蕃知韋臯使者在雲南遣

使讓之雲南王異牟尋紹之曰唐使本蠻也臯聽其歸

耳無它謀也因執以送吐蕃吐蕃多取其大臣之子為

質質音致

雲南愈怨勿鄧酋長苴夢衝潛通吐蕃扇誘羣

蠻隔絕雲南使者

酋慈由翻長知兩翻

韋臯遣三部落揔管蘇危

將兵至琵琶川

危牛羅翻又音鬼三部落兩林勿鄧豐琶也琵琶川在嵩州西南徼外為下卷

明年誅夢

衝張本

資治通鑑卷二百三十三

謹案卷二百三十二第一頁前四行盡強圍單關
七月刊本圍訛圍今改

第十頁後二行山南東道節度治襄州刊本治訛
洽據唐書地理志及方鎮表改

第二十三頁後一行本漢邛都縣地刊本邛訛印
據漢書地理志及唐書地理志改

第二十八頁前五行踐慈演翻刊本演訛廣據廣
韻改

第三十六頁後七行及新叔明傳皆作昇刊本新訛舊據新唐書改

卷二百三十三第一頁後七行凡玉以物溫裏承藉刊本裏訛裏承訛丞並據禮記疏改

第八頁前一行汗河干翻刊本訛戶汗翻據集韻改

第十一頁後七行其餘雜馬送尚乘者刊本脫送字尚訛上並據唐六典增改

第二十三頁後四行蓋丁零苗裔也刊本丁訛于

據新唐書室韋傳改

第二十七頁前三行上欲用戶部侍郎班宏刊本

班訛班據本書下卷及新舊唐書班宏傳改


第二十九頁後五行居金娑山之陽刊本金訛今

據新唐書沙陀傳改

第三十一頁前三行為後沙陀來降張本刊本來

訛本今改

第三十一頁後七行在烏德捷山西北刊本烏訛
鳥據新唐書地理志改



總校官庶吉士臣侍朝

校對官檢討臣龔大萬

謄錄監生臣張大本

欽定四庫全書薈要

史部

資治通鑑卷二百三十五




詳校官編修臣汪鏞

欽定四庫全書薈要卷七千二百二十

史部

資治通鑑卷二百三十四 宋 司馬光 撰

胡三省 音註

唐紀五十

起玄默 渚灘盡闕 逢閏
茂五月凡二年有奇

德宗神武聖文皇帝九

貞元八年春二月壬寅執夢衝數其罪而斬之雲南之

路始通 三月丁丑山南東道節度使曹成王臯薨

臯諡曰成

宣武節度使劉玄佐有威略每李納使至玄佐厚結之

故常得其陰事先為之備納憚之

孫子五間有因間因間者因其鄉人而用之張

預注云因敵國人知其底裏就而用之可使伺候也劉玄佐之制李納用此術

其母雖貴日織絹

一匹謂玄佐曰汝本寒微天子富貴汝至此必以死報之

故玄佐始終不失臣節

史言玄佐忠順母教也此言蓋本之劉氏母墓誌唐人誌墓不無溢

美者然此等言語有益於世教

庚午玄佐薨

山南東道節度判官李實

知留後事性刻薄裁損軍士衣食鼓角將楊清潭帥衆作

亂鼓角將掌軍中鼓角者也師讀曰率

夜焚掠城中獨不犯曹王臯家

曹王臯之

家蓋已出次外館不居使宅

實踰城走免明旦都將徐誠縋城而入

馳

偽號令禁遏然後止收清潭等六人斬之實歸京師以

為司農少卿

少詩
照翻

實元慶之玄孫也

道王元慶
高祖之子

丙子以

荆南節度使樊澤為山南東道節度使

初實參為度

支轉運使

度徒洛翻
使疏吏翻

班宏副之參許宏俟一歲以使職

歸之歲餘參無歸意宏怒司農少卿張滂宏所薦也

少始

照翻
普郎翻

參欲使滂分主江淮鹽鐵宏不可滂知之亦怨

宏及參為上所疎乃讓度支使於宏又不欲利權專歸

於宏乃薦滂於上以滂為戶部侍郎鹽鐵轉運使仍隸

於宏以悅之

竇參陰狡而懷

懷狡古巧翻
弼力翻

恃權而貪每

遷除多與族子給事中申議之申招權受賂時人謂之

喜鵲

竇參每遷除朝士先與申議申因先報其人以招權納賂時人謂之喜鵲者以人家有喜事鵲必先

噪於門庭以報之也

上頗聞之謂參曰申必為卿累

累良瑞翻

宜出之

以息物議參再三保其無它申亦不悛

悛丑緣翻

左金吾大

將軍號王則之巨之子也

號王巨肅宗上元二年為段子璋所殺

與申善

左諫議大夫知制誥吳通玄與陸贄不叶竇申恐贄進

用陰與通玄則之作謗書以傾贄上皆察知其狀夏四

月丁亥貶則之昭州司馬

昭州漢荔浦縣地屬蒼梧郡晉置平樂縣屬始安郡武德

四年置樂州貞觀八年改曰昭州宋白曰郡北有昭崗

潭因山岡為名舊志昭州至京師四千四百三十六里

通玄泉州司馬

隋置泉州治閩縣南安莆田縣屬焉武后聖歷二年分泉州之南安莆田龍溪

置武榮州景雲二年改武榮為泉州而閩之泉州改為

閩州開元十三年又改閩州為福州舊志泉州京師東

南六千二百

一十六里

申道州司馬尋賜通玄死

劉玄佐之喪

將佐匿之稱疾請代上亦為之隱

將即亮翻為于偽翻

遣使即軍

中問以陝虢觀察使吳湊為代可乎監軍孟介行軍司

馬盧瑗皆以為便然後除之

陝失冉翻監古衡翻瑗于春翻

湊行至汜

水

記音記水縣木屬鄭州時屬孟州

玄佐之樞將發軍中請備儀仗瑗

不許又令留器用以俟新使將士怒玄佐之壻及親兵

皆被甲擁玄佐之子士寧釋袞經登重榻

被皮義翻袞倉回翻重直

龍翻

自為留後執城將曹金岍

城將使之領兵巡視城堞晨夕警邏

浚儀令

李邁曰爾皆請吳湊者遂囚之

昌古瓦翻

盧瑗逃免士寧以

財賞將士刼孟介以請於朝上以問宰相竇參曰今汴

人指李納以邀制命不許將合於納庚寅以士寧為宣

武節度使

考異曰實錄士寧位未定遣使通王武俊劉濟田緒以士寧未受詔有國使皆留之舊

傳云以士寧未受詔於國皆留之新傳云諸鎮不直之皆執其使然則舊傳是也

士寧疑宋州

刺史翟良佐不附己

翟直格翻

託言巡撫至宋州以都知兵

馬使劉逸準代之

考異曰韓愈集作逸準今從舊傳

逸準正臣之子也

劉正臣肅宗至德初為平盧節度使

乙未貶中書侍郎同平章事竇參

為郴州別駕

舊志郴州京師南三千三百里柳丑林翻考異曰柳理上清傳曰貞元壬申歲春

三月相國竇公居光福里第月夜閑步於中庭有常所寵青衣上清者乃曰令欲啟事郎須到堂前方敢言之竇公亟上堂上清曰庭樹上有人恐驚郎請謹避之竇公曰陸贄久欲傾奪吾權位今有人在庭樹上吾禍將至且此事奏與不奏皆受禍必竄死於道路汝在輩流中不可多得吾身死家破汝定為宮婢聖君若顧問善

為我辭焉上清泣曰誠如是死生以之竇公下階大呼曰樹上君子應是陸贄使來能全老夫性命敢不厚報樹上應聲而下乃衣衰麤者也曰家有大喪貧甚不辦葬禮伏知相公推心濟物所以卜夜而來幸相公無怪公曰某瑩所有堂封絹千匹而已方擬修私廟今且輟贈可乎縵者拜謝竇公荅之如禮又曰便辭相公請左右齋所賜絹擲於牆外某先於街中俟之竇公依其請命僕使偵其絕蹤且方敢歸寢翌日執金吾先奏其事竇公得次又奏之德宗厲聲曰卿交通節將蓄養俠刺位崇台鼎更欲何求竇公頓首曰臣起自刀筆小才官以至貴皆陛下獎拔實不由人今不幸至此抑亦仇家所為耳陛下忽震雷霆之怒臣便合死中使下殿宣曰卿且歸私第待候進止越月貶郴州別駕會宣武節度使劉士寧通好于郴州廉使條疏上聞德宗曰交通節將言而有徵流竇公于驩州沒入家資一簣不著身竟未達流所詔自盡上清果隸名掖庭後數年以善應對

能煎茶數得在帝左右德宗謂曰宮掖間人數不少汝
了事從何得至此上清對曰妾本故宰相竇參家女奴
竇某妻早亡故妾得陪掃灑及竇某家破幸得填宮既
侍龍顏如在天上德宗曰竇某罪不止養使刺亦甚有
賊汙前時納官銀器至多上清流涕而言曰竇某自御
史中丞歷度支戶部鹽鐵三使至宰相首尾六年月入
數十萬前後非時賞賜亦不知紀極乃者郴州所送納
官銀物皆是恩賜當部錄日妾在郴州親見州縣希陸
贄意指刮去所進銀器上刻作藩鎮官銜姓名誣為賊
物伏乞陛下驗之於是宣索竇某沒官銀器覆視其刮
字處皆如上清言時貞元十二年德宗又問蓄養使刺
事上清曰本實無恙是陸贄陷害使人為之德宗怒陸
贄曰這獠奴我脫却伊綠衫便與紫衫著又常喚伊作
陸九我任使竇參方稱意次須教我枉殺却它及至權
入伊手其為軟弱甚於泥團乃下詔雪竇參時裴延齡
探知陸贄恩衰得恣行媒孽贄竟受譴後上清特勅丹

書度為女道士終嫁為金忠義妻世以陸贄門生名位多顯達者不敢傳說故此事絕無人知信如此說則參為人所劫德宗豈得反云蓄養俠刺况陸贄賢相安肯為此就使欲陷參其術固多豈肯為此兒戲全不近人情今

貶實申錦州司戶以尚書左丞趙憬兵部侍郎陸

贄並為中書侍郎同平章事憬仁本之曾孫也

憬居永
翻趙仁

本見二百一卷

高宗咸亨元年

張滂請鹽鐵舊簿於班宏宏不與滂

與宏共擇巡院官莫有合者闕官甚多滂言於上曰如此職事必廢臣罪無所逃丙午上命宏滂分掌天下財

賦如大歷故事

大歷元年命第五琦劉晏分理天下財賦事見二百二十四卷

壬子

吐蕃寇靈州陷水口支渠敗營田

敗補
邁翻

詔河東振武救

之遣神策六軍二千戍定遠懷遠城

懷遠縣屬靈州後
周置隋五原郡在

縣界宋白曰定遠縣
在靈州東北二百里

吐蕃乃退

陸贄請令臺省長官

各舉其屬

長知
兩翻

著其名於詔書異日考其殿最并以升

黜舉者

殿丁練翻所舉得人則升舉主以昭進賢
之賞所舉非人則黜舉主以昭失舉之罰

五月

戊辰詔行贄議未幾或言於上曰諸司所舉皆有情故

或受貨賂不得實才上密諭贄自今除改卿宜自擇勿

任諸司

諸司即謂
臺省長官

贄上奏其略曰國朝五品以上制敕

命之蓋宰相商議奏可者也六品以下則旨授蓋吏部

銓材署職詔旨畫聞而不可否者也

六品以下皆身皆畫聞字

開元

中起居遺補御史等官猶並列於選曹

言起居郎舍人拾遺補闕及御

史皆由吏部奏擬選頒絹翻

其後倖臣專朝

朝直

捨僉議而重己權

廢公舉而行私惠是使周行庶品

行戶開翻下班行同

苟不出時

宰之意則莫致也又曰宣行以來纔舉十數議其資望

既不愧於班行考其行能又未聞於闕敗

行下孟翻

而議者

遽以騰口上煩聖聰道之難行亦可知矣請使所言之

人指陳其狀某人受賄某舉有情付之有司覈其虛實

謬舉者必行其罰誣善者亦反其辜

謂反坐以罪也

何必貸其

姦賊不加辯詰私其公議不出主名

主名告主之名也

使無辜

見疑有罪獲縱枉直同貫人何賴焉又宰相不過數人

豈能徧諳多士

暗烏含翻

若令悉命羣官理須展轉詢訪是

則變公舉為私薦易明揚以闇投

公私明暗以相形而文理自見此作文之

法然明揚二字本之虞書闇投二字本之漢書作文又不可無來處近世教人為文者類此文詎止於此而已

情故必多為弊益甚所以承前命官罕不涉謗雖則秉

鈞不一或自行情亦由私訪所親轉為所賣其弊非遠
聖鑒明知又曰今之宰相則往日臺省長官今之臺省
長官乃將來之宰相但是職名暫異固非行舉頗殊

行舉

者臺省長官舉
之宰相行之

豈有為長官之時則不能舉一二屬吏

居宰相之位則可擇千百具僚物議悠悠其惑斯甚蓋

尊者領其要卑者任其詳是以人主擇輔臣輔臣擇庶

長

庶長庶官
之長也

庶長擇佐僚將務得人無易於此夫求才

貴廣考課貴精往者則天欲收人心進用不次

則天謂
武后也

非但人得薦士亦得自舉其才然而課責既嚴進退皆速是以當代謂知人之明累朝賴多士之用又曰則天

舉用之法傷易而得人

朝直遙翻
易以致翻

陛下慎簡之規

書曰
慎簡

乃僚太精而失士上竟追前詔不行 癸酉平盧節度使

李納薨軍中推其子師古知留後 六月吐蕃千餘騎

寇涇州掠田軍千餘人而去

田軍屯田
之軍也

嶺南節度使

奏近日海舶珍異多就安南市易欲遣判官就安南收市乞命中使一人與俱上欲從之陸贄上言以為遠國

商賈惟利是求緩之斯來擾之則去廣州素為衆船所

湊船音白今忽改就安南若非侵刻過深則必招攜失所

攜離也言所以招攜離者失其道也左傳管仲曰招攜以禮曾不內訟論語孔子曰吾未見能見

其過而內自訟者也注云訟猶責也言人有過莫能自責更蕩上心記月令毋或作

心注蕩謂動搖之也况嶺南安南莫非王土中使外使悉是王臣

豈必信嶺南而絕安南重中使以輕外使所奏望寢不

行秋七月甲寅朔戶判尚書判度支班宏尚辰羊翻度徒

洛翻陸贄請以前湖南觀察使李巽權判度支上許

之既而復欲用司農少卿裴延齡

使疏吏翻度徒洛翻復扶又翻又音如字

少詩
沼翻

贄上言以為今之度支準平萬貨

上時
掌翻

刻吝則生

患寬假則容姦延齡誕妄小人用之交駭物聽尸祿之

責固宜及於微臣知人之明亦恐傷於聖鑒上不從已

未以延齡判度支事

為裴延齡
諧贄張本

河南北江淮荆襄陳許

等四十餘州大水溺死者二萬餘人陸贄請遣使賑撫

上曰聞所損殊少

溺奴狄翻
少詩沼翻

即議優恤恐生姦欺贄上

奏其略曰流俗之弊多徇諂揣所悅意則侈其言度

所惡聞則小其事

揣初妄翻度徒洛翻惡為路翻

制備失所恆病於斯

制備謂隨事為之制而豫備也恆戶登翻

又曰所費者財用所收者人心苟

不失人何憂乏用上許為遣使

偽為翻于

而曰淮西貢賦既

闕不必遣使贄復上奏

復扶又翻

以為陛下息師含垢宥彼

渠魁

渠大也魁率也

惟茲下人所宜矜恤昔秦晉讎敵穆公猶

救其饑

左傳晉饑秦輸之粟秦饑晉閉之糴穆公伐晉執患公而晉又饑穆公復餼之粟曰吾怒其君

而矜其民

况帝王懷柔萬邦唯德與義寧人員我無我負人

反曹操之言則有帝王氣象

八月遣中書舍人京兆奚陟等宣撫諸

道水災以前青州刺史李師古為平盧節度使 韋臯

攻維州

代宗廣德元年
維州沒於吐蕃

獲其大將論贊熱

陸贄上言

以邊儲不贍由措置失當

當丁
浪翻

蓄斂乖宜其略曰所謂

措置失當者戍卒不隸於守臣守臣不總於元帥至有

一城之將一旅之兵各降中使監臨

監古
衡翻

皆承別詔委

任分鎮亘千里之地莫相率從緣邊列十萬之師不設

謀主每有寇至方從中覆比蒙徵發赴援

比必利
翻及也

寇已

獲勝罷歸吐蕃之比中國衆寡不敵工拙不侔然而彼

攻有餘我守不足蓋彼之號令由將而我之節制在朝

將即亮翻

朝直遙翻彼之兵衆合并而我之部分離析故也

分扶問翻

所謂蓄斂乖宜者陛下頃設就軍和糴之法以省運制

與人加倍之價以勸農此令初行人皆悅慕

此李泌所行之法也

事見上卷三年

而有司競為苟且專事纖嗇歲稔則不時斂藏

艱食則抑使收糴遂使豪家貪吏反操利權

斂力驗翻操七刀翻

賤取於人以俟公私之乏又有勢要近親羈遊之士委

賤糴於軍城取高價於京邑又多支絀紆充直

紆丑之翻紆直

呂窮邊寒不可衣鬻無所售上既無信於下下亦以偽

應之度支物估轉高

度徒沿翻估音古價也

軍城穀價轉貴度支

以苟售滯貨為功利軍城以所得加價為羨餘

羨弋線翻

雖

設巡院轉成囊橐

元和四年十二月十二日勅遠處州使率情違法臺司無由盡知轉運使

度支悉有巡院委以訪察當道使司及州縣有兩稅外權率及違格勅文法等事狀報臺司蓋劉晏始置巡院自江淮以來達于河渭其後遂及緣邊諸道亦置之至有空申簿帳偽指困倉

困區

倫翻困倉皆以歲穀固曰困方曰倉

計其數則億萬有餘考其實則百十

不足又曰舊制以關中用度之多歲運東方租米至有

斗錢運斗米之言習聞見而不達時宜者則曰國之大
事不計費損雖知勞煩不可廢也習近利而不防遠患

者則曰每至秋成之時但令畿內和糴既易集事

令力
丁翻

糴亭歷翻
易以致翻

又足勸農臣以兩家之論互有長短將制國

用須權重輕食不足而財有餘則弛於積財而務實倉

廩

廩力錦翻毛尾
口倉有屋曰廩

食有餘而財不足則緩於積食而嗇

用貨泉近歲關輔屢豐公儲委積

屢力注翻委於
偽翻積子智翻

足給

數年今夏江淮水潦米貴加倍人多流庸

流謂流徙
庸謂庸催

關

輔以穀賤傷農宜加價以糴而無錢江淮以穀貴人困

宜減價以糴而無米

糴他
吊翻

而又運彼所乏益此所餘斯

所謂習見聞而不達時宜者也今江淮斗米直百五十

錢運至東渭橋餽直又約二百米糴且陳

餽子就翻
七到翻米僅

剥穀
為糴

尤為京邑所賤據市司月估

今之市令司亦月具
物價低昂之數以聞

於上斗糴三十七錢耗其九而存其一

以江淮之米合運
漕之餽直率一斗

為錢三百五十而京師米價斗止
三十七錢是耗其九而存其一也

餒彼人而傷此農制

事若斯可謂深失矣頃者每年自江湖淮浙運米百一

十萬斛至河陰留四十萬斛貯河陰倉至陝州又留三

十萬斛貯太原倉

貯丁呂翻

餘四十萬斛輸東渭橋今河陰

太原倉見米猶有三百二十餘萬斛

見賢遍翻

京兆諸縣斗

米不過直錢七十請令來年江淮止運三十萬斛至河

陰河陰陝州以次運至東渭橋其江淮所停運米八十

萬斛委轉運使每斗取八十錢於水災州縣糴之以救

貧乏

糴他吊翻

計得錢六十四萬緡減僦直六十九萬緡請

令戶部先以二十萬緡付京兆令糴米以補渭橋倉之

缺數

渭橋倉即東渭橋倉

斗用百錢以利農人

增價以糴則利農

以一百

二萬六千緡付邊鎮使糴十萬人一年之糧餘十萬四

千緡以充來年和糴之價

糴徒歷翻

其江淮米錢儼直並委

轉運使折市綾絹絕綿以輸上都

折之古翻絕式支翻絹之似布者今謂之

細唐都長安謂之上都

償先貸戶部錢九月詔西北邊貴糴以實

倉儲

考異曰實錄云凡積米三十三萬斛按陸贄論守備狀坐致邊儲數逾百萬諸鎮收糴今已向終

又云更經一年可積十萬人三歲之糧矣蓋實錄所言今年之數贄狀通計來春也

邊備浸充

冬十一月壬子朔日有食之

吐蕃雲南日益相猜每

雲南兵至境上吐蕃輒亦發兵聲言相應實為之備辛

酉韋臯復遣雲南王書

復扶又翻
遺唯季翻

欲與共襲吐蕃驅之

雲嶺之外

雲南之地本漢雲南縣也漢屬益州郡後漢分屬永昌郡南中志曰雲南縣西高山相連

眾山之中又有山特高大狀如扶風太一鬱然高峻與雲氣相連視之不見其山固陰沍寒雖五月盛暑不熱所謂雲嶺也

悉平吐蕃城堡獨與雲南築大城於境上置戍

相保永同一家

右庶子姜公輔久不遷官諂陸贄求

遷贄密語之曰

語牛
俗翻

聞竇相屢奏擬上不允

今人謂聖
旨不從所

請為不允習聞
唐人之言也

有怒公之言公輔懼請為道士上問其

故公輔不敢泄贊語以聞參言為對上怒參歸怨於君

己已貶公輔為吉州別駕又遣中使責參

姜公輔居猜忌之朝不能

安於命義而由此重竇參之罪亦陸贄之一言也

考

異曰實錄初公輔罷相為左庶子以憂免復除右庶子

數私謁竇參參數奏公輔以他官上不許而有怒公輔

之言公輔恐乃請免官為道士久之未報因開延英奏

之上問其故公輔對以參言上曉之固不已大怒貶之

而詔書責參推過於上公輔傳曰陸贄知政事以有翰

林之舊數告贄求官贄密謂公輔曰予嘗見郴州竇相

言為公奏擬數矣上旨不允有怒公之言公輔恐懼乞

罷官為道士久之未報後又庭奏德宗問其故公輔不

敢泄贄言便以參言為對帝怒貶公輔為泉州別駕又

遣使齎詔責參贄傳曰姜公輔奏竇參常語臣云陛下

怒臣未已德宗怒再貶參竟殺之時議云公輔奏竇參

語得之於贊云參之死贊有力焉按贊請令長官舉屬吏狀云亦由私訪所親轉為所賣其弊非遠聖鑒明知此乃解參之語也及參之死贊救解甚至由是觀之贊豈有殺參之意邪且贊語公輔之時安知公輔請為道士及於上前以泄言之罪歸參此乃公輔之意非贊意也當時之人見參贊有隙遂以己意猜之史官不悅贊者因歸罪於贊耳今不取

庚午山南西道節度使嚴震奏敗吐蕃

於芳州及黑水堡

敗補邁翻芳州高宗上元二年已為吐蕃所陷鄜道元曰黑水出羌中西

南逕黑水城西其地蓋在陰平西北臨洮西南古沓中之地也使疏吏翻敗補邁翻堡音保

初李

納以棣州蛤蜊有鹽利城而據之又戍德州之南三汊

城以通田緒之路

棣大計翻蛤古合翻蜊康音螺余按集韻螺字下無蜊字同韻有蜊字音

都戎翻小堆也。蟪恐當作噪。漢楚嫁翻李納之阻兵也。李長卿以棣州入朱滔而蛤噪為納所據。因城而戍之。其後王武俊敗朱滔得德棣二州。蛤噪猶為納戍。納又於德州南跨河而城守之。謂之三汭。以交魏博。通田緒及李師古。襲位王武俊以其年少輕之。

少詩照翻

是月引兵

屯德棣。將取蛤噪及三汭。城師古遣趙錫將兵拒之上。

遣中使諭止之。武俊乃還。

錫下老翻。將即亮翻。又音如。字使疏吏翻。還從宣翻。又音。

如字初劉怱薨。

見二百三十二卷。貞元元年怱普簡翻。薨呼肱翻。

劉濟在莫州。

其母弟灘在父側。以父命召濟。而以軍府授之。

莫州治鄭縣在

幽州南二百八十里。灘於用翻。

濟以灘為瀛州刺史。

瀛州河間郡。幽州巡屬大州也。其地

在幽州南

許他日代已既而濟用其子為副大使

河朔三鎮及淄青皆

以其子為副大使儲帥也

瀛怨之擅通表朝廷遣兵千人防秋濟怒

發兵擊瀛破之

朝直遙翻為劉瀛歸朝張本

左神策大將軍柏良

器

唐左右神策大將軍正二品史炤曰柏皇氏古帝號後為氏顯帝師柏亮父帝營父柏起之裔也

募

才勇之士以易販鬻者監軍竇文場惡之

惡烏路翻

會良器

妻族飲醉寓宿宮舍

宮舍宮中直宿之舍也史言宦官惡柏良器能舉其職因其妻黨犯

衛禁而文致其罪

十二月丙戌良器坐左遷右領軍自是宦官始專

軍政

為宦官挾兵權以脅天子張本右領軍十六衛之一也時南牙諸衛具位而已北軍掌禁兵權重故良器左遷

九年春正月癸卯初稅茶

爾雅釋木云檟苦茶郭璞注云樹大小似梔子冬生

葉可煮作羹飲今呼早採者為柶晚採者為茗一名
薺蜀人謂之苦茶是也今通謂之茶茶柶聲近故呼
之春中始生嫩葉蒸焙去苦水末之乃可喫與古所
食殊不同也本草衍義曰晉溫嶠上表貢茶千斤茗
三百斤郭璞曰早採為茶晚採為茗茗或曰薺茶葉
老者也古人謂其芽為雀舌麥顆言其至嫩也又有
新芽一發便長寸餘微麤如針惟芽長為上品其根
幹土力皆有餘故也如雀舌麥顆又下品前人未盡
識史言稅茶始此遂開利孔

凡州縣產茶及茶山外要路皆估其直

什稅一從鹽鐵使張滂之請也滂奏去歲水災減稅用
度不足請稅茶以足之自明年以往稅茶之錢令所在

別貯俟有水旱以代民田稅自是歲收茶稅錢四十萬

緡未嘗以救水旱也

權茶之稅始於趙贊至張滂而始行

滂又奏姦人銷

錢為銅器以求贏請悉禁銅器銅山聽人開采無得私

賣 二月甲寅以義武留後張昇雲為節度使 初鹽

州既陷

鹽州陷見二百三十二卷二年

塞外無復保障吐蕃常阻絕靈

武侵擾廊坊

既阻絕靈武往來之路又侵擾廊坊之民

辛酉詔發兵三萬五

千人城鹽州

考異曰邠志八年詔遣張公議築鹽夏二城張公奏曰師之進取切藉驍將神策

散將魏光者武藝冠絕得光足以集事上遣之張公以光為邠寧馬軍兵馬使三月師及諸軍赴于五原去城

百里而軍羌獨以其騎徑至城下陷城而入遂吐蕃召諸軍城之更引其軍西掠境上往復走望為師耳目蕃眾距境而不敢入官軍城二郡而歸白居易樂府鹽州注亦云貞元壬申歲特詔城之而實錄在九年二月蓋去歲詔使城之今年因命杜彥光等而言之又詔涇原山南劍南各發兵深入吐蕃以分其勢城之二旬而畢命鹽州節度使杜彥

光戍之朔方都虞候楊朝晟戍木波堡

木波堡在慶州方渠縣界九域

志方渠宋朝改為通遠縣置環州有木波鎮

由是靈夏河西獲安上使人

諭陸贄以要重之事勿對趙憬陳論當密封手疏以聞

又苗粲以父晉卿往年攝政

寶應間連有國憂晉卿攝冢宰

嘗有不臣

之言諸子皆與古帝王同名

晉卿十子發丕堅
垂與帝王同名

今不欲

明行斥逐兄弟亦各除外官勿使近屯兵之地

近其
靳翻

又

卿清慎太過諸道饋遺

遺唯
李翻

一皆拒絕恐事情不通如

鞭靴之類受亦無傷贄上奏其略曰昨臣所奏惟趙憬

得聞陛下已至勞神委曲防護是於心膂之內尚有形

迹之拘迹同事殊鮮克以濟

鮮息
淺翻

恐爽無私之德

爽差
也

且傷不吝之明

書曰改
過不吝

又曰爵人必於朝刑人必於市

惟恐衆之不覩事之不彰

記曰爵人於朝與衆共之刑
人於市與衆弃之朝直達翻

君上行之無愧心兆庶聽之無疑議受賞安之無忤色
當刑居之無怨言此聖王所以宣明典章與天下公共
者也凡是譖訴之事多非信實之言利於中傷

中竹仲翻

懼

於公辯或云歲月已久不可究尋或云事體有妨須為

隱忍

為于偽翻

或云惡迹未露宜假它事為名或云但弃其

人何必明言責辱詞皆近於情理

近其新翻

意實苞於矯誣

傷善售姦莫斯為甚若晉卿父子實有大罪則當公議
典憲若被誣枉豈令陰受播遷夫聽訟辨讒必求情辨

跡情見跡著

見賢通翻

辭服理窮然後加刑罰焉是以下無

冤人上無謬聽又曰監臨受賄盈尺有刑

律諸監臨之官受所監臨

財物者一尺笞四十諸監臨主司受財而枉法者一尺杖一百監古銜翻

至於士吏之微尚

當嚴禁矧居風化之首反可通行

風化之首謂宰相者風化之所自出

賄

道一開展轉滋甚鞭韉不已必及金玉

韉與靴同

目見可欲

何能自窒於心

古語有之不見可欲此心不亂

已與交私何能中絕其

意

謂既受其私饋則難以絕其私謁

是以消流不絕溪壑成災矣又曰

若有所受有所却則遇却者疑乎見拒而不通矣若俱

辭不受則咸知不受者乃其常理復何嫌阻之有乎

復扶

又翻下同

初竇參惡左司郎中李巽

惡烏路翻

出為常州刺史

及參貶郴州巽為湖南觀察使

郴州翻

汴州節度使劉士

寧遺參絹五十匹

遺唯季翻

巽奏參交結藩鎮上大怒欲殺

參陸贄以為參罪不至死上乃止既而復遣中使謂贄

曰參交結中外其意難測社稷事重卿速進文書處分

處昌呂翻分扶問翻下無分同

贄上言參朝廷大臣誅之不可無名昔

劉晏之死罪不明白至今眾議為之憤邑

偽為于翻

叛臣得

以為辭

見二百二十六卷
建中元年二年

參貪縱之罪天下共知至於

潛懷異圖事跡曖昧

曖音曖
不明貌

若不推鞠遽加重辟駭動

不細

辟音闢
刑辟

竇參於臣無分

言無契分之
雅分扶問翻

陛下所知豈

欲營救其人蓋惜典刑不濫三月更貶參驩州司馬男

女皆配流上又命理其親黨

理治也

贊奏罪有首從法有

重輕

首謂為頭者從謂隨從者
為首者重隨從者輕

參既蒙宥親黨亦應末減

况參得罪之初私黨並已連坐人心久定請更不問從

之上又欲籍其家貲贄曰在法反逆者盡沒其財贓汚

者止徵所犯皆須結正施刑然後收藉令罪法未詳陞

下已存惠貸若簿錄其家恐以財傷義時宦官左右恨

參尤深謗毀不已參未至驩州竟賜死於路竇申杖殺

貨財奴婢悉傳送京師

傳知
總翻

海州團練使張昇璘昇

雲之弟李納之壻也以父大祥歸於定州

海州東海郡
淄青巡屬璘

離珍翻壻西計翻定州義武帥
治所子居父喪再葬而大祥

嘗於公座罵王武俊武

俊奏之夏四月丁丑詔削其官遣中使杖而囚之

使所
吏翻

定州庶富武俊常欲之因是遣兵襲取義豐掠安喜無

極萬餘口徙之德棣

義豐屬定州安喜縣本定州治所蓋州治徙也無極漢古縣因無極

山為名唐屬定州按無極山碑云無極山與天地俱生從上至體可三里所立石為體二丈五尺所石上青下黃白所前正平可鋪兩大席在無極西南三十里景福二年以無極縣為祁州棣大計翻

昇雲閉城

自守屢遣使謝之乃止上命李師古毀三汊城

李納築三汊城

見上年漢楚嫁翻

師古奉詔然常招聚亡命有得罪於朝廷者

皆撫而用之

朝直遙翻

五月甲辰以中書侍郎趙憬為門

下侍郎同平章事義成節度使賈耽為右僕射右丞盧

邁守本官並同平章事邁翰之族子也

憬居永翻耽都含翻射寅謝翻

興元時盧朝興李勉劉從一同為相

懜疑陸贄恃恩欲專大政排已置之

門下

政事堂在中書省今懜遷東省故疑贄排已右僕射屬門下省

多稱疾不豫事由

是與贄有隙

為趙懜附裴延齡張本曰懜與陸贄同知政事贄恃久在禁庭特

考異曰舊懜傳

承恩顧以國政為已任纔周歲轉懜為門下侍郎懜由是深銜之數以目疾請告不甚當政事因是不相協按懜遷門下猶為宰相又並以賈耽盧邁贄豈得專政蓋懜以此心疑之耳

陸贄上奏論備

邊六失以為措置乖方課責虧度財匱於兵衆力分於

將多怨生於不均機失於遙制

自措置乖方以下所謂六失也上時掌翻將即

亮翻下同

關東戍卒不習土風身苦邊荒心畏戎虜國家資

奉若驕子姑息如倩人

倩七政翻

屈指計歸張頤待哺或利

王師之敗乘擾攘而東潰或拔棄城鎮搖遠近之心豈

惟無益實亦有損復有犯刑謫徙者

復扶又翻下同

既是無良

之類且加懷土之情思亂幸災又甚戍卒可謂措置乖

方矣

此一失也

自項權移於下柄失於朝將之號令既鮮克

行之於軍國之典常又不能施之於將

朝直遙翻鮮息淺翻將即亮翻

務相遵養

遵率也言相率以養惡也

苟度歲時欲賞一有功翻慮無

功者反仄欲罰一有罪復慮同惡者憂虞罪以隱忍而

不彰功以嫌疑而不賞姑息之道乃至於斯故使忘身

效節者獲誚於等夷

誚才笑翻

率衆先登者取怨於士卒僨

軍蹙國者不懷於愧畏

僨方問翻

緩救失期者自以為智能

此義士所以痛心勇夫所以解體可謂課責虧度矣

此二

失虜每入寇將帥遞相推倚

帥所類翻
推吐雷翻

無敢誰何虛張

賊勢上聞則曰兵少不敵朝廷莫之省察

朝直逆翻
省悉景翻

唯

務徵發益師無裨備禦之功重增供億之弊

重直用翻

閭井

日耗徵求日繁以編戶傾家破產之資兼有司權鹽稅

酒之利

權古岳翻

總其所入歲以事邊可謂財匱於兵衆矣

此三失也

吐蕃舉國勝兵之徒

勝音升勝兵謂人之才力堪執兵以戰者也

纔當

中國十數大郡而已動則中國懼其衆而不敢抗靜則

中國憚其強而不敢侵厥理何哉良以中國之節制多

門蕃醜之統帥專一故也

帥讀曰率

夫統帥專一則人心不

分號令不貳進退可齊疾徐如意機會靡愆

愆達也

氣勢

自壯斯乃以少為衆以弱為強者也開元天寶之間控

禦西北兩蕃唯朔方河西隴右三節度中興以來未遑

外討抗兩蕃者亦朔方涇原隴右河東四節度而已

言西

北兩蕃者以別奚契丹兩蕃若開元天寶以來西則吐蕃北則突厥中興以來所謂兩蕃西則吐蕃北則回紇

自頃分朔方之地建牙擁節者凡三使焉

事見二百二十五卷大歷

十四年使疏吏翻

其餘鎮軍數且四十皆承特詔委寄各降中

貴監臨人得抗衡莫相稟屬

監古衡翻史炤曰衡車上橫木抗衡謂兩相抗拒有

若車衡相抗也余謂衡所以揆平首尾有所偏重則衡為之低昂商輕重者所必爭也抗衡者言無所低昂而平視之也每俟邊書告急方令計會用兵既無軍法下臨惟

以客禮相待

丁令力翻

夫兵以氣勢為用者也氣聚則威散

則消勢合則威析則弱今之邊備勢弱氣消可謂力分

於將多矣

夫音扶將即亮翻此四失也

理戎之要在於練覈優劣之

科以為衣食等級之制使能者企及

企去智翻

否者息心雖

有厚薄之殊而無觖望之釁

觖古况翻

今窮邊之地長鎮之

兵皆百戰傷夷之餘終年勤苦之劇然衣量所給唯止

當身例為妻子所分常有凍餒之色而關東戍卒怯於

應敵懈於服勞衣糧所頒厚踰數等又有素非禁旅本

是邊軍將校詭為媚詞因請遙隸神策不離舊所

當丁浪翻

懈俱賣翻
離去智翻

唯改舊名其於廩賜之饒遂有三倍之益夫

事業未異而給養有殊苟未忘懷孰能無愠可謂怨生

於不均矣

愠於問翻此五失也

凡欲遷任將帥必先考察行能

將即

亮翻帥所類翻行下孟翻

可者遣之不可者退之疑者不使使者不

疑故將在軍君命有所不受

此孫子兵法之言

自頃邊軍去就

裁斷多出宸衷

斷丁亂翻

選置戎臣先求易制

易以鼓翻

多其部

以分其力輕其任以弱其心遂令爽於軍情亦聽命乖

於事宜亦聽命戎虜馳突迅如風颯駟書上聞

駟人質翻驛傳

馬遞旬月方報守土者以兵寡不敢抗敵分鎮者以無詔

不肯出師賊既縱掠退歸此乃陳功告捷其敗喪則減

百而為一其摺獲則張百而成千

喪息浪翻
摺居隕翻

將帥既幸

於總制在朝不憂罪累

累良瑞翻

陛下又以為大權由己不

究事情可謂機失於遙制矣

此六失也

臣愚謂宜罷諸道將

士防秋之制令本道但供衣糧募戍卒願留及蕃漢子

弟以給之又多開屯田官為收糴

為于偽翻

寇至則人自為

戰時至則家自力農與夫倏來忽往者豈可同等而論

哉又宜擇文武能臣為隴右朔方河東三元帥分統緣
邊諸節度使有非要者隨所便近而併之然後減姦濫
虛浮之費以豐財定衣糧等級之制以和衆弘委任之
道以宣其用懸賞罰之典以考其成如是則戎狄懷威
疆場寧謐矣上雖不能盡從心甚重之 韋臯遣大將

董勔等將兵出西山

勔彌充翻自彭州導江縣西出縣
崖關歷維茂至當卷諸州皆西山

也

破吐蕃之衆拔堡柵五十餘 丙午門下侍郎同平

章事董晉罷為禮部尚書 雲南王異牟尋遣使者三

革一出戎州

宋白曰戎州漢犍道南安縣地梁置戎州言以鎮戎夷也西南取曲協州并南寧州

安寧鹽井路至南詔所居羊苴咩城二千三百里舊志戎州在京師西南三千一百四里

一出黔州

一出安南各齎生金丹砂詣韋臯

金礦未經鍛鍊者為生金丹砂產石中鑿

石取之黔音琴

金以示堅丹砂以示赤心三分臯所與書為信

皆達成都異年尋上表請弃吐蕃歸唐并遺臯帛書

遺唯

季翻自稱唐雲南王孫吐蕃贊普義弟日東王

吐蕃以雲南王為弟見二

百一十六卷天寶十載封日東王見二百二十六卷代宗大曆十四年

臯遣其使者詣長

安并上表賀上賜異年尋詔書令臯遣使慰撫之

并上時掌

翻令力丁翻
使疏吏翻

賈耽陸贄趙憬盧邁為相百官白事更

讓不言

耽都舍翻憬居永翻相
息亮翻更工衡翻互也

秋七月奏請依至德故

事宰相迭秉筆以處政事

事見二百一十九卷肅宗至
德元載十月處昌呂翻下同

旬日一易詔從之其後日一易之
劍南西山諸羌女

王湯立志

女王亦羌別種東與吐蕃党項茂州接西屬三
波訶北距于闐東南屬雅州羅女蠻白狼夷以

女為君居康延川巉險四繚有弱水南流湯立志新書
作湯立悉杜陽編女蠻國人危髻金冠瓔珞被體故謂
之菩薩蠻當時倡優
遂因制菩薩蠻曲
哥隣王董卧庭白狗王羅陀忽弱

水王董辟和南水王薛莫庭悉董王湯悉贊清遠王蘇

唐磨咄霸王董邈蓬及逋租王

自哥隣以下諸種皆散居西山西山即雪山今

威州保寧縣有雪山連乳川白狗嶺有九峰積雪春夏不消白狗嶺與雪山相連威州唐之維州也

先皆

役屬吐蕃至是各帥衆內附韋臯處之於維保霸州

天寶

元年招附生

羌置霸州

給以耕牛種糧

種章勇翻

立志陀忽辟和入朝

皆拜官厚賜而遣之

癸卯戶部侍郎裴延齡奏自判

度支以來檢責諸州欠負錢八百餘萬緡收諸州抽貫

錢三百萬緡呈樣物三十餘萬緡請別置欠負耗贖季

庫以掌之

耗虧減也贖贏餘也贖以證翻又食證翻三月為一季凡三月終則入物于庫故謂之季

庫染練物則別置月庫以掌之

每月入物故謂之月庫

詔從之欠

負皆貧人無可償徒存其數者抽貫錢給用隨盡呈樣

染練皆左藏正物

藏徂浪翻

延齡徒置別庫虛張名數以惑

上上信之以為能富國而寵之於實無所增也

於實者於其實

也

虛費吏人簿書而已京城西汚濕地生蘆葦數畝延

齡奏稱長安咸陽有陂澤數百頃可牧廐馬上使有司

閱視無之亦不罪也左補闕權德輿上奏

權本顯頊之後為楚武王

所減子孫以國為氏上時掌翻

以為延齡取常賦支用未盡者充羨餘

以為己功

羨弋線翻

縣官先所市物再給其直用充別貯

貯丁

呂翻邊軍自今春以來並不支糧陛下必以延齡孤貞獨

立時人醜正流言何不遣信臣覆視究其本末明行賞

罰今羣情衆口喧於朝市

朝直遙翻

豈京城士庶皆為朋黨

邪陛下亦宜稍回聖慮而察之上不從 八月庚戌太

尉中書令西平忠武王李晟薨 冬十月甲子韋臯遣

其節度巡官崔佐時齎詔書詣雲南并自為帛書答之

節度巡官在判官推

官之下衙推之上

十一月乙酉上祀圓丘赦天下

劉士寧既為宣武節度使

八年三月命劉士寧為宣武節度使

諸將多

不服士寧淫亂殘忍出畋輒數日不返軍中苦之都知

兵馬使李萬榮得衆心士寧疑之奪其兵權令攝汴州

事十二月乙卯士寧帥衆二萬畋于外野

帥讀曰率

萬榮晨

入使府召所留親兵千餘人詐之曰敕徵大夫入朝以

吾掌留務汝輩人賜錢三十緡衆皆拜又諭外營兵皆

聽命乃分兵閉城門使馳白士寧曰敕徵大夫宜速即

路

即就也

少或遷延當傳首以獻士寧知衆不為用以五

百騎逃歸京師比至東都

比必利翻及也

所餘僕妾而已至京

師敕歸第行喪禁其出入淮西節度使吳少誠聞變發

兵屯鄆城

鄆城漢晉之鄆縣也後魏省併入曲陽縣隋開皇初置鄆城縣屬許州時屬蔡州蔡北鄙

也東有漢召陵縣故城東南有後漢征羌縣故城鄆一戰翻

遣使問故

問所以逐士寧之故

且

請戰萬榮以言戲之

戲之示無所畏

少誠慙而退上聞萬榮逐

士寧使問陸贄贄上奏以為今軍州已定宜且遣朝臣

宣勞

勞力到翻

徐察事情冀免差失其略曰今士寧見逐雖

是衆情萬榮典軍且非朝旨比安危彊弱之機也願陞

下審之慎之上復使謂贄

復扶又翻下同

若更淹遲恐於事非

便令議除一親王充節度使且令萬榮知留後共制即

從內出贄復上奏其略曰臣雖服戎角力諒匪克堪而

經武伐謀或有所見夫制置之安危由勢付授之濟否

由才勢如器焉惟在所置置之夷地則平才如負焉唯

在所授授踰其力則踣

踣蒲北翻

萬榮今所陳奏頗涉張皇

但露徵求之情

徵一遙翻

殊無退讓之禮據茲鄙躁殊異循

良又聞本是滑人

劉玄佐滑州匡城人萬榮與同里相善

偏厚當州將士

當州猶言本州謂滑州也

與之相得纔止三千諸營之兵已甚懷怨

據此頗僻

頗僻何翻偏也

亦非將材若得志驕盈不悖則敗悖

則犯上敗則債軍

將即亮翻悖蒲內翻債方問翻

又曰苟邀則不順苟

允則不誠君臣之間勢必嫌阻

邀求也非所當求而求之為苟邀允從也非所

當從而從之為苟允下以不順求之上以不誠應之其勢必至於嫌阻

與其圖之於滋蔓

左傳曰毋使滋蔓蔓難圖也

不若絕之於萌芽又曰為國之道以義

訓人將教事君先令順長

長知兩翻下獨長同

又曰方鎮之臣事

多專制欲加之罪誰則無辭若使傾奪之徒便得代居

其任利之所在人各有心此源潛滋禍必難救非獨長

亂之道亦關謀逆之端又曰昨逐士寧起於倉卒

卒讀曰猝

諸郡守將固非連謀

將即亮翻

一城師人亦未協志各計度

於成敗之勢

度徒洛翻

迴遑於逆順之名安肯捐驅與之同

惡又曰陛下但選文武羣臣一人命為節度仍降優詔

慰勞本軍

勞力到翻

獎萬榮以撫定之功別加寵任褒將士

以輯睦之義厚賜資裝揆其大情理必寧息萬榮縱欲

跋扈勢何能為又曰儻後事有愆素

左傳曰不愆于素杜預注云不過素

所慮也

臣請受敗統之罪

統奴教翻

上不從壬戌以通王諶為

宣武節度大使

諶氏壬翻

以萬榮為留後

丁卯納故駙馬

都尉郭曖女為廣陵王淳妃淳太子之長子

是為憲宗妃母

即昇平公主也

十年春正月劔南西山羌蠻二萬餘戶來降詔加韋皋

押近界羌蠻及西山八國使

八國即前女王王哥隣等弱水最弱小不得預八國數

崔佐時至雲南所都羊苴咩城

蜀注苴徐嗟翻咩彌嗟翻詳見前考異

白舊傳作陽苴咩城今從新傳

吐蕃使者數百人先在其國雲南王異

牟尋尚不欲吐蕃知之令佐時衣牂柯服而入

衣於既翻牂柯

蠻在昆明東九百里東距辰州二十四百里其南十五百里即交州衣於既翻下同

佐時不可曰

我大唐使者豈得衣小夷之服異牟尋不得已夜迎之

佐時大宣詔書

大聲以宣詔書

異牟尋恐懼顧左右失色業已

歸唐

事已成爲業

乃歔歔流涕俯伏受詔

歔音虛歔許既翻又音希

鄭回

密見佐時教之

鄭回勸異牟尋歸唐事見二百三十二卷三年

故佐時盡得其

情因勸異牟尋悉斬吐蕃使者去吐蕃所立之號獻其

金印

去羌呂翻吐蕃給雲南金印見二百一十一卷玄宗天寶十載

復南詔舊名異牟

尋皆從之

考異曰舊章畢傳四年正月畢遣判官崔佐時至苴咩城接西南夷事狀四年畢微聞

異年畢尋之意始因諸蠻寓書於年畢自是比年招諭至

九年年畢始遣使分畢書以來朝廷賜之詔書畢乃遣

佐時齋詔以往年畢猶欲使

仍刻金契以獻異年尋帥

佐時易服而入畢傳誤也

其子尋夢湊等與佐時盟於點蒼山神祠

帥讀曰率

先是吐

蕃與回鶻爭北庭大戰死傷甚衆

爭北庭事見上卷五年六年先慈薦翻

徵兵萬人於雲南異年尋辭以國小請發三千人吐蕃

少之

以為少也少詩紹翻

益至五千乃許之異年尋遣五千人前

行自將數萬人踵其後晝夜兼行襲擊吐蕃戰於神川

大破之取鐵橋等十六城

鐵橋在施蠻東南據新書是戰也異年尋破施順二蠻並

虜其王置白崖城又據新志自戎州開邊縣南行至白

崖城三十里而近南詔傳曰南詔居永昌姚州之間鐵

橋之南將

即亮翻

虜其五王降其衆十餘萬戍戍遣使來獻捷

降戶江翻

使疏吏翻

瀛州刺史劉濬為兄濟所逼

濟濬不協事始上卷八年

請西扞隴坻

坻丁禮翻

遂將部兵千百人男女萬餘口詣京

師號令嚴整在道無一人敢取人雞犬者上嘉之二月

丙午以為秦州刺史隴右經略軍使理普潤

理治也以普潤為治

所

軍中不擊柝不設音樂士卒病者濬親視之死者哭

之 乙丑義成節度使李融薨丁卯以華州刺史李復

為義成節度使復齊物之子也

李齊物淮安王神通之孫

復辟河南

尉洛陽盧坦為判官監軍薛盈珍數侵軍政

數所

坦每

據理以拒之盈珍常曰盧侍御所言公我固不違也

坦後

卒能脫於盈珍之譖侍御坦之寄祿官所謂憲御也

橫海節度使程懷直入朝

厚賜遣歸

夏四月庚午宣武軍亂留後李萬榮討平

之先是宣武親兵三百人素驕橫

先悉薦翻橫戶孟翻

萬榮惡之

惡烏路翻

遣詣京西防秋親兵怨之大將韓惟清張彥琳誘

親兵作亂攻萬榮萬榮擊破之親兵掠而潰多奔宋州

宋州刺史劉逸準厚撫之

史言李萬榮不能制劉逸準

惟清奔鄭州

彥琳奔東都萬榮悉誅亂者妻子數十人有軍士數人

呼於市曰

呼火故翻

今夕兵大至城當破萬榮收斬之奏稱

劉士寧所為五月庚子徙士寧於郴州

郴州林翻

欽州蠻

酋黃少卿反圍州城

少卿者西原黃洞蠻酋也酋慈由翻

邕管經略使孫

公器奏請發嶺南兵救之

上元後置邕管經略使領邕貴黨橫等州

上不許

遣中使諭解之

陸贄上言郊禮赦下已近半年而竄

謫者尚未霑恩乃為三狀擬進上使謂之曰故事左降

官準赦量移

史炤曰移徙也謂得罪遠謫者遇赦則量徙近地

不過三五百里

今所擬稍似超越又多近兵馬及當路州縣

當路州縣謂其地當

入京之路者近其新翻

事恐非便贄復上言

復扶又翻下同

以為王者待

人以誠有責怒而無猜嫌有懲沮而無怨忌斥遠以儆

其不恪

遠于願翻

甄恕以勉其自新

甄稽延翻察也免也

不儆則浸及

威刑不勉而復加黜削雖屢進退俱非愛憎行法乃暫

使左遷念材而漸加進叙又知復用誰不增修何憂乎

亂常何患乎蓄憾如或以其貶黜便謂姦凶恒處防閑

之中

處昌
呂翻

長從擯弃之例則是悔過者無由自補蘊才

者終不見伸凡人之情窮則思變含悽貪亂或起于茲

悽悲也
痛也

今若所移不過三五百里則有疆域不離於本

道風土反惡於舊州

離力智翻風土之同道而獨甚惡者如廣府統廣韶端康封岡新樂

瀧竇義雷春高循潮等州而春
循新瘴氣特重於諸州是也

徒有徙家之勞實增移

配之擾又當今郡府多有軍兵所在封疆少無館驛示

人疑慮體又非弘乞更賜裁審上性猜忌不委任臣下

官無大小必自選而用之宰相進擬少所稱可

稱尺證
翻稱恆

也下同少
詩沼翻

及羣臣一有譴責往往終身不復收用好以

辯給取人

好呼到
翻下同

不得敦實之士艱於進用羣材滯淹

贊上奏諫其略曰夫登進以懋庸

懋勉也
庸功也

黜退以懲過

二者迭用理如循環進而有過則示懲懲而改脩則復

進既不廢法亦無弃人雖纖介必懲而用材不匱故能

使黜退者克勵以求復登進者警飭而恪居

恪居謂恪
居官次也

上無滯疑下無蓄怨又曰明主不以辭盡人不以意選

士如或好善而不擇所用悅言而不驗所行進退隨愛

憎之情離合繫異同之趣是由捨繩墨而意裁曲直弃

權衡而手揣輕重雖甚精微不能無謬由與猶同又曰

中人以上迭有所長苟區別得宜別彼付授當器當丁

下過各適其性各宣其能及乎合以成功亦與全才無

異但在明鑒大度御之有道而已又曰以一言稱愜為

能愜苦而不核虛實以一事違忤為咎而不考忠邪忤

故其稱愜則付任逾涯不思其所不及其違忤則罪責

過當不恕其所不能是以臧司之內無成功君臣之際

無定分上不聽

分扶問翻

贄又請均節財賦凡六條其一論

兩稅之弊其略曰舊制賦役之法曰租調庸

調徒弔翻

丁男

一人受田百畝歲輸粟二石謂之租每戶各隨土宜出

絹若綾若絕共二丈

絕式文翻

綿三兩不蠶之土輸布二丈

五尺麻三斤謂之調每丁歲役則收其庸日準絹三尺

謂之庸天下為家法制均一雖欲轉徙莫容其姦故人

無搖心而事有定制及羯胡亂華

謂安祿山史思明

黎庶雲擾

版圖墮於避地

墮讀日隳

賦法壞於奉軍建中之初再造百

度執事者知弊之宜革而所作無失其原知簡之可從

而所操不得其要

操七刀翻執事者謂楊炎

凡欲拯其弊須窮致弊

之由時弊則但理其時法弊則全革其法所為必當其

悔乃亡

易曰革而當其悔乃亡當丁浪翻

兵興以來供億無度此乃時

弊非法弊也而遽更租庸調法

更工衡翻

分遣使者搜擿郡

邑

擿他狄翻

校驗簿書每州取大歷中一年科率最多者以

為兩稅定額

事見二百二十六卷建中元年

夫財之所生必因人力故

先王之制賦入必以丁夫為本不以務穡增其稅不以

輟稼減其租則播種多不以殖產厚其征不以流寓免

其調則地著固

著直略翻

不以飭勵重其役不以窳怠蠲其

庸則功力勤

窳勇主翻惰也

如是故人安其居盡其力矣兩稅

之立惟以資產為宗不以丁身為本曾不寤資產之中

有藏於襟懷囊篋物雖貴而人莫能窺

謂商賈居寶貨待時而取利者

有積於場圃囷倉直雖輕而衆以為富

謂力田而蓄穀粟者

有流

通蕃息之貨數雖寡而計日收贏

蕃讀如繁謂貸子錢而收利者

有廬

舍器用之資價雖高而終歲無利

謂美居室侈服
用而夸一時者

如此

之比其流實繁一槩計估筭緡宜其失平長偽

長知
兩翻

由

是務輕資而樂轉徙者恆脫於徭稅

樂音
洛

敦本業而樹

居產者每困於徵求此乃誘之為姦驅之避役

誘音
肉

力

用不得不弛賦入不得不闕復以創制之首

創制之首
猶言立法

之初復
扶又翻

不務齊平供應有煩簡之殊牧守有能否之異

所在徭賦輕重相懸所遣使臣意見各異計奏一定有
加無除又大歷中供軍進奉之類既收入兩稅今於兩

稅之外復又並存望稍行均減以救凋殘其二請二稅

以布帛為額不計錢數其略曰凡國之賦稅必量人之

力

量音良

任土之宜故所入者惟布麻繒纊

繒疾陵翻纊苦謗翻

與

百穀而已先王懼物之貴賤失平而人之交易難準又

定泉布之法以節輕重之宜

班固曰太公為周立九府圜法貨寶於金利於刀流

於泉布於布束於帛又鄭氏周禮注曰其藏曰泉其行曰布取名於水泉其流行無不徧

斂散弛張

必由於是蓋御財之大柄為國之利權守之在官不以

任下然則穀帛者人之所為也錢貨者官之所為也是

以國朝著令租出穀庸出絹調出繒纈布帛嘗有禁人
鑄錢而以錢為賦者哉今之兩稅獨異舊章但估資產
為差便以錢穀定稅臨時折徵雜物

謂折錢穀之價以徵它雜物也折之

舌翻每歲色目頗殊惟計求得之利宜靡論供辦之難易

易以所徵非所業所業非所徵遂或增價以買其所無

減價以賣其所有一增一減耗損已多望勘會諸州初
納兩稅年絹布定估比類當今時價加賤減貴酌取其
中總計合稅之錢折為布帛之數又曰夫地力之生物

有大限取之有度用之有節則常足取之無度用之無

節則常不足生物之豐敗由天用物之多少由人是以

聖王立程量入為出雖遇災難

難乃旦翻

下無困窮理化既

衰則乃反是

理化猶言治化也

量出為入不恤所無桀用天下

而不足湯用七十里而有餘是乃用之盈虛在節與不

節耳其三論長吏以增戶加稅闢田為課績其略曰長

人者罕能推忠恕易地之情體至公徇國之意迭行小

惠競誘姦

長知丈翻
眊謨耕翻

以傾奪鄰境為智能以招萃逋

逃為理化捨彼適此者既為新收而有復

萃聚也復方目翻復除也

倏往忽來者又以復業而見優惟懷土安居首末不遷

者則使之日重斂之日加

斂力聽翻下同

是令地著之人恒代

惰遊賦役何異驅之轉徙教之澆訛

恒戶登翻澆古克翻

此由牧

宰不克弘通各私所部之過也又曰立法齊人久無不

弊理之者若不知維御損益之宜則巧偽萌生恒因沮

勸而滋矣請申命有司詳定考績若當管之內人益阜

殷所定稅額有餘任其據戶口均減以減數多少為考

課等差其當管稅物通比每戶十分減三者為上課減

二者次焉減一者又次焉

此不以增戶為課最而以戶額增之稅能減地著戶之稅

額為課最也

如或人多流亡加稅見戶

見賢

比校殿罰亦如

之殿丁練翻

其四論稅限迫切其略曰建官立國所以養人

也賦人取材所以資國也明君不厚其所資而害其所

養故必先人事而借其暇力先家給而斂其餘財

先卷薦翻

又曰蠶事方興已輸繭稅農功未艾遽斂穀租上司之

繩責既嚴下吏之威暴愈促有者急賣而耗其半直無

者求假而費其倍酬望更詳定徵稅限期其五請以稅

茶錢置義倉以備水旱

稅茶見上九年

其略曰古稱九年六年

之蓄者

記王制曰三年耕必有一年之食九年耕必有三年之食以三十年之通制國用量入以為出

國無九年之蓄曰不足無六年之蓄曰急無三年之蓄曰國非其國也

率土臣庶通為之

計耳固非獨豐公庾不及編氓也近者有司奏請稅茶

歲約得五十萬貫元敕令貯戶部用救百姓凶饑今以

蓄糧適副前旨其六論兼并之家私斂重於公稅其略

曰今京畿之內每田一畝官稅五升而私家收租殆有

畝至一石者是二十倍於官稅也降及中等租猶半之
夫土地王者之所有耕稼農夫之所為而無并之徒居
然受利又曰望凡所占田

占之
贍翻

約為條限裁減租價務

利貧人法貴必行慎在深刻裕其制以便俗嚴其令以
懲違微損有餘稍優不足失不損富優可賑窮此乃安富
恤窮之善經不可捨也

周禮地官以保息六養萬民一
曰慈幼二曰養老三曰振窮四

曰恤貧五曰寬
疾六曰安富

資治通鑑卷二百三十四